



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

December.

**urn:nbn:de:hbz:466:1-45477**

Novemb.

Tessera.

959

oppignoratum tibi cœlesti promisso annum ceutes-  
mum, sed hac lege, ut in ejus ævi sustentationem, ni-  
hil sis habiturus, nisi quod horæ unius spatio ex aper-  
tis potentissimi Principis expromptum thesauris, re-  
politus sis. Fingamus si mavis, unam divinitus tibi  
horam concedi, postquam, item divinitus noveris,  
mundum, & te cum illo peritum: horam illam te  
quæso quām avarè, ardenter, quā rapiditate insum-  
pseris: & torpemus cæci, & inertes, in nostra meliori  
causa, nihil in tota messum æternitate, nisi cujus brevi  
nunc vitæ hora fementem fecerimus. Evigilemus  
tandem, & aliquid sobrii consilii ineamus? seriùs,  
oculus, ubi præcessit culpa, sequetur Pœna.

## I. DIES DECEMB.

Omnis nobis causamur deesse Gratiam: sed ju-  
stus forsan ipsa sibi queratur Gratia deesse  
nonnullos. *S. Bernard. serm. de trip. custod.*

Libertas I. **T**Acitis paulatim mensibus, annus  
hominis, præcipitat ad oculum; & vita no-  
stra cum illis ad sepulchrum. Tem-  
pus adhuc nobis est acceptabile; quia possunt ope-  
ra nostra esse Deo accepta. Non erunt porro ac-  
cepta, nisi fuerint cum Gratia ejus incepta, & cum  
eadem obsoluta. Ut sint talia, non nobis deest Gra-  
tia; laborandum nobis est, ne nos desimus Gratia.  
Ne illi nos desimus, in nostrâ est potestate, quia  
fruimur arbitrii nostri plenâ libertate. Itaque  
liberi

liberi arbitrii, & voluntatis tuæ Dominus es, etiam ad malum Animæ; non eo fine ut malum sequaris, sed eo potius, ut malum fugias. Voluit Deus, te peccare posse; ut tibi meritum sit, non peccasse. Non culpaberis, quia potes: coronaberis, quia potuisti, & nou es transgressus. Velles fortasse naturā impeccabilis esse? velles igitur Deus esse, vel nullum esse, posse peccatum? si nulla posset esse miseria; nec Deus cui proprium est misereri, posset esse misericors. Displicet tibi, quod Deus gratiam præstare valeat, & velit? si gratiam malles esse debitum, ingratus es, gratiam non agnoscis. At nequeunt peccare bruta; scio: sed nec honestè agerè; ideo bruta sunt. An male te habet, quod possis malum à bono discernere? Hoc Deus potest, quid inde mali?

II. Quod ad malum te sentis pronum, poena peccati est: habes gratiam, quâ pronitati resistas. Si necessitate ad malum rapereris, esset vel querelæ, vel excusationi locus. Nunc per gratiam in potestate tua est, malum fugere; quid quereris? Malles imponi tibi à Deo non peccandi necessitatem? Intelligo; putas Deum aut sapientem non fuisse, aut aliter sapere debuisse. Sapientia Dei hoc statuit. Sed nisi recte utaris libertate, jam gravissimæ subjectus es servituti. Sic libertas libertate perit. Est hæc mens Publpii: *Beneficium accipere, est libertatem vendere.* Inter homines, id est solenne. Contrà: à Deo beneficium accipere, est libertatem emere. Tollitur hæc libertas abusu arbitrii liberi. Est adagium: *Pugnantibus molitoribus vœ farinæ.* Vœ navi, in quâ naufragæ, vectoresque rixantur, aut quæ in partes, ac tabulas dissolvitur. Vœ currui, cujus aurigam equi non ferunt;

fuerunt ! Væ corpori, in quo morbi, in quo quatuor qualitatum discordia, in quo membra in ventrem, velut pigrum, & voracem insurgunt ! Ita vae Gratia, & libertati, ubi homo superior, & inferior digladiantur, & affectus inter se divisi altercantur ; vel tolletur, vel minuetur : sed illius jactura tam pensi habetur, ut parum curent passim homines, si Animus fordeat, modo corpus fulgeat. Deplorabat olim D. Bernardus, suæ ætatis corruptelam ; ac præfertim res sacras, profanis probrosissimè postponi ; & tandem addit : Plus calcaria, quam Altaria fulgent. Nonne ad illius diæ similitudinem quis verè asserat ; Plus cænum, quam cælum ; plus haræ, quam Aræ ; plus vitiorum propudia, quam virtutum decora æstimantur ?

III. Est juris Pontificii effatum : ( a ) *Hoc capit fissum* ; *quod non capit Christus*. Sic peribis ; nisi dederis Christo, quod debetur Christo : quia hoc capit Averinus, quod non capit Olympus. Necesse est, pereas nisi Deo pareas. Constatit tibi nimis caro, si nimis tibi chara sit caro. Mater, quæ nimis est benigna, est noverca. Sic nimia in carnem indulgentia, non est amor matris, sed odium novercæ. Ut porrò Anima & novercæ, & matris exerceat munus, egregie explicat S. Zeno serm. 4. ad Neophytorum : ( a ) O bina matris charitas diversos genere, aetate, conditione, suscipiens ! necat odio criminum, ut noverca ; pia servat, ut mater ; necatosque non antea vivificat, quam omne virus vetustatis extinguat. Hic prius doleas, ut postea gaudeas ; in terris spinæ, in cœlis rosæ : adhuc es in area ; oportet ergo flendo mittere semina, ut pos-

Pars III.

Ppp

stea

( a ) C. Majores 16. quæst. 7. ( b ) Serm. 4.

steā cum exultatione portes manipulos : esto solici-  
tus , & tristis , dum venerit tempus messis . Suader  
hoc ipsum paucis D. Augustinus : ( a ) *Geme in aera,*  
*ut gaudeas in horreo.* Talia sequentur in cælis præmia,  
qualia præcesserunt in terris opera . Quilibet suorum  
operum est filius ; quia, nimirum illorum hæres est  
legitimus . Si sis ambitiosus honoris, eris in honore;  
quia opera , quibus aspiras ad honorem , sunt sine  
honore. Ideo honore non est dignus , qui honorem  
quærit , sed quem honor quærit . Verissime igitur  
Augustinus : ( b ) *Honor te querere debet, non ipsum tu.*  
Manes temper homo, hoc est, æquè vilis , etiam ho-  
nore excelsior aliis hominibus : *Simia collo aurum ge-*  
*flans adhuc est simia;* & *asinus talenta gestans, adhuc more*  
*suo rudit;* ut Gregorius Nazianzenus in carmine ad  
Nicobulum :

*Aurum asinus gestans, plus non est corpore praestans.*

## 2. DIES DECEMB.

Satis est Domine, satis est. Xaverius.

S. Xaverii

I. Atis est, vox est non advenit in  
laus. **S**atis est, vox est non advenit in  
terris, sed in colæ in cœlis. A  
quo unquam Monarchâ , au-  
dita est hæc vox Xaverianâ ? Quis unquam par Cræ-  
so, inter divitias ; Alexandro, inter victorias ; Au-  
gusto, inter honores ; Pompeio, inter triumphos ;  
Cæsari, inter dignitates ; Hannibali, inter trophyæ ?  
quis denique fuit tam fortunatus pullus fortunæ, ut  
pronuntiaverit illas binas voculas, Satis est ? Sed li-  
cer Xaverio satis fuerit gaudiorum ; nunquam ta-  
men satis laborum. Quis unquam aut obeundi ne-

gotii,

( a ) *Serm. 254. de temp.* ( b ) *Hom. 13. & 5.*

gotii, aut consequendi quæstus, aut comparandæ gloriæ cupiditate, tam brevi tot loca adire potuit, quam celeriter Xaverius alienæ salutis ardore euavigavit & in primis lustravit Europam ; & in eâ Galliam , Italiā, Germaniam, Hispaniam, Lusitaniam Provincias ( civitates enim percurrere, immensum foret ) peragravit. Inde se contulit fulminis more in Africam; ex eâ in Indias, ac tandem infinitatem Asiarum, ad Sinas profectus, passibus suis fuit emensus; ulterius progressurus, nisi aut ipsum vita, aut obris defecisset. Certe illius beneficentia, (ut S. Hieronymi verbis utar) totus erat angustus orbis. Unde tanta fuit Barbaris de Xaverii virtutibus estimatio; ut quia ejus vita erat irreprehensibilis , tota una , tota sui , tota omnium, cum injuria Divinitatis fuerit habita Diana, Imd Japonii Boncii coegerant comitia, (a) ut Xaverium consecrarent Deum , Aiam , sacrificii que collendum; miseruntque ad illum nuntios, per quos Divinos illi deferrent honores. Respondit ipse : Indignum , qui sim creatura , & vultis Creatorem esse ? Non potuit tamen obstare, quin procumbentes in genua, pedes ejus adorarent osculis.

II. Gloria est Christianæ Religionis, tales educasse viros, per quos ipsa religio posset ita periclitari. Sic quosdam consecrat Virtus , usque ad simulationem sinceram Deitatis. Vigor animi, majestas vultus, suada sermonis, beneficentia manus, quasi Divinitatem aliquam objecit Barbaris Xaverium. Quæres nunc, ex quo fonte scaturit illa tanta Xaverii , quantam nemo satis potest admirari, Virtus ; & quæ illius comes, gloria ? singula cum otio percurrenti, non occurret aliud quam , cum jam Parisiis incumberet  
 (a) Nuremberg. de arte vol. 5. c. 15. P pp 2 Rua

studiis, ac in bivio quasi viæ , deliberaret de ineundo cursu viæ , magna animi excelsitate , totum se Deo quocunque demum vocaret, promptum se eidem offerret. Quasi illud Isaiae , Deo reponeret: (a) Ecce ego, mitte me ; ac si diceret : fortasse solitus quæris, quem ad ultima terrarum mittas, qui tuum nomen longè , lateque propaget, & dices (b) Hominem non habeo. Ecce ego: homo promptus, pro te nihil metuere; propter te, nihil non audere. Nullus est servus, servat licet durissimam servitutem , qui tam impensè desiderat è servitute manumitti, ad libertatem manuaduci ; quam ego à te, ubi, ubi denique mitti. Non ego is sum, qui quasi uni mihi natus, velim illum è celo haustum spiritum conscribi angustis unius domicilii parietibus, aut urbis moenibus, aut Provinciæ foci bus, aut Regionis limitibus. Totus mundus, erit meæ pote industriæ campus: Te amanti Patria est, non modò omne solum, sed omne salum. Quin etiam quod ero remotior ab illâ, quæ in terris est Patria ; eo ero vicinior illi, qui in cœlis est Patri.

III. Quid dubitas ? Ecce ego futurus te auspice tui, & propagator nominis, & propugnator Numinis. Si occurrant montes, concendam ; si alpes, transcedam; si Maria, illa velis, renisque non fugiam, sed trajiciam. Etiam in barbaro Oceani elemento, ubique reperiam portum, quia ubique circumfero Deum. Sim licet transmarinus, sim transalpinus, Tibi ubique sum proximus, & tu mihi intimus. Si objiciant se cervi nivium, illos calcabo. Ardeo pro te algere. Tam me tui amore accendunt conculcatæ pedibus nives, quam admotæ pectori faces. Fortasse dices, me terrendum solitudine ? Nunquid & ibi est Jesus ? Ergo,

(a) c. 6.3. (b) Joan. 5.

Decemb.

Tessera

965

& salus. Tametsi duo, sufficimus. Si deleantur turbæ,  
nos duo turba sumus, sed sine turbine. Iterum ergo :  
Ecce ego, Habes, quite sequatur; habes, & qui in om-  
nibus obsequatur. Ecce ego; cui pati pro te mala om-  
nia, non tantum est votum, sed summa votorum. Mit-  
te me vel ad mundi extremum; etiam illic libenter  
emittam extremum spiritum? Mitte me, & è vestigio,  
cuiuscunque rei mei in circulo meo retardanti, nuu-  
tium remittam. Mitte me, ubi sol torret; frigus urit,  
Aquilo sævit. Quid timeam, ubi meo non tantum  
ades lateri, sed inespctori? Mitte me, ut intelligat  
posteritas, quid Deus potuerit Xaverio milite: quid  
Xaverius Deo Duce. Exauditus fuit Xaverius pro  
sua in Deum fiducia, & paucis annis Regna sexaginta  
sex per solam Japoniam explicata, fuerunt Xaveria-  
næ virtutis palæstra, certaminis arena. Cælaris auspi-  
ciis undecies centena millia militum cæsa dicuntur:  
Xaverii unius manu supra duodecies centena millia, à  
primordialis criminis morte ad vitam sunt revocati.  
Ut videoas quanto major Cæsare Xaverius; quid plu-  
ribus, ut viverent, concessit, quam Cæsar, ut moreren-  
tur, coegit. Sed satis est de Heroë, de quo nunquam  
satis.

Xaveriana satis vox, solum est nota beatiss.

### 3. DIES DECEMB.

Vir germinat granum Virtutis, sine palea vanitatis.

Gerson. collat. pro licent.

Gloria Dei I. In hoc mundo, velut in inculto agro  
in omnibus querenda.

In hoc mundo, velut in inculto agro  
parum es tritici, multum zizanii. Si  
crescat granum Virtutis; miscetur &  
palea vanitatis. Denique in hoc sa-

culo

P p p 3

culo omnia vitiorum sunt plena, virtutum inania. Nullus est vultus, in quo non sit nævus; nulla frons, in quā non sit ruga; nulla chlamys, in quā non sit plica; nulla purpura, in qua non sit tinea. (a) Denique cū Virtutibus vitia sīnt affīni; nisi illa perīmantur, perīmont nos. Nullus igitur, hīc perfectus; nisi ille, de quo Christus: *Estate perfecti, sicut & Pater vester celestis perfectus est.* Undē bene D. Hieronymus: (b) Cunctorum in carne iustorum imperfecta perfectio est. Assentitur D. Augustinus: *Illa perfectio est, invenisse se non esse perfectum.* Ut igitur sis, quantum vales in hāc vitā mortali inter mortales perfectus; sit tibi omnium omissiōnōrum causa, & agendorum regula; sola solius Dei, major gloria. Hanc quantō studiosus expetis; tantō te magis perficis. Bonum omne, quod habuimus quondam; quod habemus modò; & habituri sumus olim, solum debemus Dei Gloriam: videlicet, quod sumus, quod homines sumus; quod redempti; quod beatitudinis capaces. Quia omnia operatus est Deus proper gloriam suam. Deus in omnibus semper impensissimè studuit honori hominis.

II. Primò, honoravit eum suā Potentiā, creando suis manibus; tibi reliqua creavit solo vocis imperio officiosus in hominem, antequam adhuc esset. Honoravit eum suā Providentiā, prospiciendo ei de magnifice hīc in terris hospitio; posteā excellentissimo in cœlis domicilio. Deindē copiosè ei providit de etiā, dum illi in alimentum tribuerit quidquid animalium vel natat in æquore; vel volat in aëre, vel repie per terram. Honoravit eum suā munificentia,

mitten-

(a) *Matth.* §. (b) *Serm.* §.

mittend  
larem g  
aulā Pal  
luit illi  
discrimi  
ditum re  
de , q  
conforti  
poravit  
quolibet  
num to  
lum suā  
diu ipie  
nem ho  
Prophe  
tui Deus

III.  
tum te  
clariss  
mittes  
Dei co  
tio ;  
tuam ig  
quam i  
radices  
profund  
mens t  
le , si  
gloria  
accepi  
otiosu

(a)

mittendo è suo Regno , qui illi administraret , tutelarem genium ; qui , ut unus ex honorariis Dei in ejus aula Palatinis , semper videt faciem ejus. Hunc volunt illi semper esse à latere , ut ab omni conservaret dulcissime. Honoravit illum suá Misericordiá , perditum redimendo ; eumque extollendo super id omne , quod humanum est , videlicet ad naturæ suæ consortium ; ac deinde ad gloriæ suæ solium. Honoravit illum Liberalitate suâ , promittendo pro quolibet etiam levissimo opere , totum suum Regnum tota æternitate possidendum. Honoravit illum suá Bonitate , ante omne tempus , hoc est , quādiu ipse fuit Deus , diligendo. Cūn sic Deus hominem honoraverit , nōne meritò hī dixeris cum Prophetā Regio ? ( a ) *Nimū honorificati sunt amici tui Deus ?*

III. Augebis gloriam Dei , contemptu tui : quantum te humiliaveris , tantum eum exaltabis. Quo clarius Deum cognoveris , eò te profundiùs illi submittes , & ardentiùs ejus præcepta admittes. Potest Dei cognitio augeri in infinitum : sic & tui aspernitio ; quia infinitum es despabilis. Cognoscendo tuam ignominiam , vestigabis Dei gloriam , propter quam unam creatus es. Arbor simul mittit deorsum radices , & sursum ramos ; quo per terram serpit profundiùs , eò se supra terram erigit excelsius : ita mens tua erigitur super id omne , quod est mortale , si te depresseris infra omnes mortales. Omnis gloria tuorum operum ad illum referatur , à quo accepisti potestatem operandi. Ille superfluit , & otiosus est in mundo , qui honorem Dei non

Ppp 4

quærit.

( a ) *Psal. 138. 7.*

quærit. Omnia utilitatem sumunt ex fine ; si à fine declinant , sunt prorsus inutilia. Si ut te calefacias, malleum accipias ; non solum ad hoc erit inutilis, sed & tu ridiculus. Si sumas ignem ad lævigandam tabulam res præ omnibus utilissima, jam non erit utilis ; immo, non tantum inde nullum referes fructum, sed damnum : comburet, & destruet , quod volebas perficere. Omnium artium instrumenta , præter suum finem, ad quem sunt facta ; sunt vana, & supervacanea : sic homo, qui non refert sua omnia ad gloriam debitam soli Deo , est supervacaneus in mundo. A granis, quæ seminasti, expectas copiosam messem : à vite, quam plantasti, expectas uvas ; ab arbore, quam stercorasti, expectas fructus ; cur inter tua, vis solus non esse utilis tibi ? Qui spretā Dei gloria, se, & sua jactat, veneno se laetat.

## 4. DIES DECEMB.

In his, quæ de Deo dicuntur ; hæc maxima est scientia, ignorantiam fateri. S. *Cyrillus Hierosolym.* Catech. 6.

Deus incomprehensibilis, & ideo amabilis.

I. **S**i nostra de Deo ignorantia, dum illam fatemur, si maxima de Deo scientia; quid nos cæxutientes super terram noctuæ , sub terrâ talpæ , volumus hebetem ingenioli nostri aciem convertere ad fulgorem æternæ Majestatis ; cuius intuitu per spicacissimæ illæ in cælis aquilæ perstringuntur , ut clausis oculis obnubere vultum compellantur ? Sed inaccessam Dei amplitudinem nemo aptius exponet, quam Auctor hodiernæ tesserae : ( a ) Magnus erat Abraham , sed magnus respectu hominum ; cum autem

ad

( a ) S. *Cyrillus supra.*

ad Deum respexit, tunc ait : (a) Ego sum terra, & ci-  
na; estne quidquam cinere levius, aut exiliis? Accipe, ait,  
cineris comparationem ad domum; & domus ad civitatem;  
& civitatis, ad Provinciam; & Provincia, ad Imperium Ro-  
manorum; & Imperii Romanorum, ad universam terram;  
& omnes terminos rursus totius terre, ac circumdans illam,  
calum: Cujus tanta est comparatio ad cælum, quantum est  
punctum circuli ad totam conferentiam; tanta est cæli, ad  
terram comparatio. Et primum calum hoc, quod apparet,  
minus esse intelligas, quam secundum; & secundum, quam  
tertium; & cum animo cælos omnes perspicis, neque ta-  
men cæli celebrare Deum, ut est, poterunt, et si tonitrua ha-  
beant sonantissima. Si ergo, tanta cælorum magnitudo,  
Deum pro dignitate laudare non potest; quomodo tandem  
cuius vilissimus, & minimus, dignas Deo laudes retribuere po-  
terit?

II. Vult Deus, ut in eo requiescas, non ut eum  
comprehendas. Benè illis est, qui requiescent in  
Deo salutari suo, & optimè se habent cum Optimo;  
& qui identidem clamant cum Davide: (b) Quu da-  
bit mihi pennas sicut columba; & volabo, & requiescam?  
Non enim pedum motibus, sed cordis affectibus;  
non rotis, sed votis; non scalis, sed alis tenditur in il-  
lam requiem. Columba emissâ ex Arcâ Noë, cum  
non invenisset, ubi requiesceret per ejus, reversa est  
ad eum in Arcam. Anima nostra, quæ per Creatio-  
nem egressa est à Deo, nullam in deluvio aquarum  
multarum, quibus inundatur hic mundus, inveniens  
requiem, revertatur ad Deum suum, unde exivit.  
Ad hanc Augustinus suspirabat, cum hæc diceret:  
(c) Quiescat in te, Deus meus, cor meum; cor enim meum,

P pp s est

(a) S. Cyrillus supra (b) Psal. 54. (c) Medit. 6. 37.

est mare magnum , tumens fluctibus. Tu, qui imperasti ventis, & mari. & facta est tranquillitas magna : veni, & ingredere super fluctus cordis mei ; ut tranquilla, & serena fiant omnia mea ; quatenus te unicum bonum meum amplectar sine tumultuantum cogitacionem caca caligine. Et idem alibi : Inherete illi, qui fecit vos ; state cum eo, & stabitis ; Requiescite in eo, & quieti eritis. Quis ita in aspera ? quod ita ? Quod vobis adhuc, & adhuc ambulare vias difficiles, & laboriosas ? Non est requies, ubi queritus eum ? quarite, quod queritis ? sed ibi non est, ubi queritur ; frustra enim extra Deum queritur , quod in illo solo inventur.

III. Ubiuam suavius quiesces , quam in eo, qui est amabilem omnium amabilissimus ? Quidquid enim, extra eum amabile est ; ab eo habet, quod sit amabile, & propter ipsum dignum est amari ? hinc sicuti est Centrum omnis amoris : sic debet esse & omnium amantium. Amor, illius est indolis, ut toto impetu in id feratur, quo expleatur : tale autem nihil est , nisi solum id , cui nihil deest, quod extra Deum nusquam est. Amans vinum , non satiaberis , quia multa ei defunt ; quia non pascit esurientem ; non locupletat pauperem ; non sanat infirmum ; non operit nudum. Idem in aliis quibuscumque extra Deum reperies : singula multis scatent defectibus , ut indigna sint hominum affectibus. In Deo cum nihil deest, sufficit omnibus, & singulis, ut satientur : quia summè perfectum esse, est sibi, & omnibus summè bonum esse , quale quod est, summè amabile est : quod solus Deus est ; qui quidem adeò bonus , ut solus esse non possit sine personarum consortio , nec solus esse velit sine sociate creaturarum.

Cùm

Cum igitur Deus tecum esse velit, quia amat te: debes, ut ejus respondeas amori, malle potius totâ aeternitate carere omnibus bonis extra Deum; quam vel uno momento carere amore ejus, sive ad puerum temporis non amare eum: quia omne tuum bonum est amare eum, & amari ab eo. Modus porro amandi eum, sit sine modo. Parum proderit amasse, nisi pergas amare usque ad finem. Respondeat principio finis: ama semper, quem cœpisti amare à principio; quia, ut monet Poëta:

*Principium lauda, quod consequitur bona causa.*

### 3. DIES DECEMB.

Cui esse, est semper, Deus est. Ambrosius lib. 3. de fide cap. 7.

Deus aman- I.

**Q**uisquis timet semper esse mi-  
dus, quia est  
noster Deus.  
Hilarius: ( a ) Pater infinitus est; quia non ipse in aliquo,  
sed intra eum omnia; semper extra locum, quia non contine-  
tur in loco; semper ante ævum, quia tempus ab eo est. Curre  
sensu, si quid ei puras ultimum esse; quia cum semper intendas,  
semper est, quo intendas. Iterum revolve tempora, esse semper  
invenies; ut cum calculi numerus in sermone deficerit, Deo  
tamen semper esse non deficit. Quis non amet eum, quem  
ubique, quia est in omni loco; & semper, quia est omni  
tempore, invenies amatum; imò & amantem, ne dicam  
infinitum.

( a ) L. 2. de Trinitate.

infinitus amabilem. Si stimulus est ad amandum Bonitas, tam bonus est non modò intra se, in se, sed extra se; in te, ut solus suus, qualis æternum fuit, esse noluerit; sed & tuus esse voluerit. O quanta dignitas! sed & quanta in dignitate felicitas; posse verè, si ne fuso; sincerè, sine hyperbole, dicere, Deus meus; posse uno momento duntaxat dicere, Deus, est Deus meus; dignus est, quam si omnia honestissima nomina, epitheta, & tituli, & dignitates, & honores, & omnia honorum insignia in unum conglobata; quibus omnes omnium taculorum Reges, & Cæsares gloriati sunt, in te unum congerentur.

H. (a) Fuit homo quidam insignitè reprobus; qui, ut uno die posset frui & nomine & fortunâ Imperatoris, paratum se dixit subire totâ æternitate, tartari supplicia omnia: dignissimus, ob tam indigna verba, tartari poenâ. Pluris tibi debet esse ad pulchrum temporis, posse dicere, Deus meus; quam totâ æternitate non modò dici, sed esse; non modò terræ, sed & cœli totius, Monarcham. Sed Deus infinitis titulis est tuus: est tuus, & voluit esse tuus: quia creavit: ideo enim te creavit; ut esset Deus tuus, & tu illius: itaque, cum te suum fecit, & se tuum effecit: tam igitur tuus est Pater, quam tu illius filius. Nonne hic reperisti locupletem venam auri; quam evadas non modò dives, sed divitum primus? Quam enim dives est amor, cuius proprius Deus est. Non sufficit Deo, ratio illa infinitæ erga ipsum obligationis, quod tuus esse voluerit creando; voluit accedere & aliam partis obligationis, dum te redemit. Non

tantum

(a) Binet. in flor. psalm.

tantum dedit esse, ut Creator: sed bene; imò si velis, aeternum beatè esse, ut Redemptor. Dedit se, ut recipiat. Imò, se in cibum obtulit, ut te in se transferret: ut non tantum esset tuus simpliciter, sed totus tuus, & tu totus ipius. Possetne aliquid vel animo fingere, quod ulterius; non dico, quod sperare, sed quod vel optare auderes? Voluit Deus, suis in te congestis beneficiis ostendere, plus se posse in bonum tuum facere, quam tu etiam fingere. Deus, & Deus tuus; qui jam, dum vivis, est tuus, in tempore per gratiam; vult tuus semper esse per gloriam: vult tuus esse semper; cui esse, est semper. Quid hīc aliud eruet cor tuum, quam illud illius viri, qui fuit secundum cor Dei: *Semper laus ejus in ore meo?* Sinon possit semper ejus amor esse in corde, sit saltem laus in ore.

III. An non dignus est, quem ames ex toto corde; cum sit Deus tuus, & totus tuus? Imo, tot titulis est tuus, quot titulis tu es ipius: nec enim potest esse tuus, nisi tu sis ipius. Tuus est, quia ex nihilo te creavit; sic enim est Pater. Tuus est; quia jam tuo crimen perditum, ut potè perditissimæ vitæ, imò & indignitate peccati redactum ad nihilum, redemit te; Salvator enim est. Tuus est, & tu ipius; quia è statu ultimæ calamitatis, hoc est, peccati, te asseruit in statum gratiæ: ex reo gehennæ, fecit in hæredem gloriæ, sic Justificator est, quod est præstabilius opus, quam illud, quod videtur operum maximum, creasse cœlum, & terram. Deinde ulterius, tuus est, quia Corpore, & Sanguine suo pascit te; sic est cibus tuus. Tu, ut prodigus ille in lutulenta hora pascebaris siliquis porcorum: voluit te in sua mensa

mensa manducare panem Angelorum. Tuus est, quia in hæredem sui descripsit te : est enim Remunerator. Plus quam satis fuisset, etiam pro æternitate, ut sic loquar, laborum permittere, ut per transennam videres faciem ejus ; quam videre, salus est videntis. Voluit pro momento laboris; is, cui esse, est semper, & te quoque semper videre faciem Patris ejus. Quid jam superest, quam ut ames eum; ut Partrem filius; ut Salvatorem, redemptus; ut Sanctificatorem, justus; ut Convivatorem, conviva; ut Hæres, hæreditatem : ut, qui tuus est hic in medio Babylonis; sit semper tuus in illa, quæ sursum est, Jerusalem. Quocirca :

*Ut tibi perpetuum sit lumen, dilige Numen.*

## 6. DIES DECEMBRIS.

Deum videbis non alio bono bonum ; sed bonum omnis boni. *S. Augustinus l. 8. de Trinit. c. 3.*

Deus solus bonus, & sumum bonum.

**D**ivus Augustinus divinè de Divinâ Bonitate differit, dum ab ea removet omnem creatum bonum, sic ipse: Non amas, nisi bonum, quia bona est terra altitudine montium, & temperamento collum, & planicie camporum, & bonum prædium, amabile, ac ferile. Et bona domus, paribus membris disposita, & ampla, & lucida: & bona animalia, animata corpora: & bonus aer, modestus, & salubris: bonus cibus, suavis, & aptus valetudini, & bona valetudo, sine doloribus, & laetitudine, &c. Quid plura, & plura? bonum hoc, & bonum illud. Tolle hoc, & illud; & vide ipsum bonum, si potes: ita Deum videbis, non aliò bono bonum: sed bonum omnis boni. Quaràs

de ali-

Decemb.

Tessera.

975

ð anima objectum aliud, quò se referat; & quò se  
occupat vagabundus tuus amor? si amor feratur in  
Bonum; Ecce Bonum omnis boni? si amas bona,  
quæ sunt facta; cur non amas Deum, per quem sunt  
facta? Non tantum est Deus bonus, & solus bonus;  
non tantum est bonum, & omne bonum; sed in te  
est bonus, & tuum bonum; quia est Deus cordis tui.  
Amorem, alia simulant, cor probat, alia adumbrant,  
cor exprimit. Nisi amor sit inquilinus cordis, non  
est Amor: Cor, amoris est lac, illic est domesticus; A-  
moris est civitas, illic est civis; Amoris est patria, illic  
est popularis; Amoris est Basilica, illic est Rex; Amo-  
ris est sacrarium, illic est Sacerdos; Amoris est scho-  
la, illic est Magister; Amoris est cœlum, illic est Deus.  
Cor igitur Deum ostendit; imò convincit esse ama-  
bilem, quia solus explet magnum illud cavum cor-  
dis. Circumfer cor per omnia amabilia; vagabitur,  
non satiabitur, ambulabit, non quiescet.

II. Amor cordis, Deum facit sui possessorem:  
quod si tu cum altero dividias, atque adeò dimi-  
diuum tantum tribuas; de possessione Deum detur-  
bas: ille, quām amat integrum, tam non amat divi-  
sum. Sicut Regnum divisum: sic & cor divisum de-  
solabitur. An non satis magnus est Deus, ut impleat  
suum cordis, cuius magnitudinis non est finis? Im-  
plet cœlum, & terram; & non poterit implere pugil-  
lum terræ? Pianè deficis, si præter Deum aliquid tibi  
sufficit. Itaque erit Deus, & Deus cordis tui; si solus  
sit totius. Amor partus est amoris; ut redemeris ama-  
torum extorquebit à te, amor ejus æternus in te,  
amorem angustissimi, quo vivis, temporis? Non  
meretur amoris æternitas, amoris momentum?

Tam

Tam est antiquus ejus in te amor ; quam est ille , ipse , qui est antiquus dierum. Jacobo Patriarche , ut potiretur amatâ Rachaele , septem anni videbantur dies pauci , præ amoris magnitudine. Amavit te Deus cœli & terræ , jam inde à principio , quando creavit cœlum , & terram : hoc est plus , quam à quinquaginta sæculis ; & quia tot sæcula videbantur illi minus , quam dies pauci ; charitate perpetuâ dilexit te. Quanta est ista amoris intensio ; tanta est tua redemandi obligatio. Amari ab amatore infinito , licet tantum vel ad momentum , est immensi res momenti ; quia ejus amor vel tantillus est , supra omne pretium inæstimabilis. Quid erit ab amatore infinito , amatum fuisse à tempore infinito ; immò , ante omne tempus ab æterno ? sed quid in te amavit Deus ab æterno ? Non te , sed se ; non tuam speciem , sed suam imaginem ; non tuum amorem , sed suum ; quem , si tu non amas in tempore , si non desideras amare æternum ; odio ejus æterno ob indignitatem es dignus.

III. Inter omnia dona , palmare donum , est ipse Amor : idèò enim quis donat , quia amat. Sic & inter omnia beneficia occupat primas , Amor ; cui proprium est primum bene velle , deinde beneficare : itaque , quod antiquior est amator , tantò debet tibi antiquius esse beneficium : igitur , charitas , quæ dilexit is , qui est charitas , cùm fuerit perpetua ; beneficium quoque fuit perpetuum : & amor igitur æternus , beneficium est æternum. Etsi nihil aliud contulisset , nisi hoc unicum beneficium , omnia illi deberes , & tua , & totum te. Noluit , qui infinitus est , circumscribi finibus Benevolentiae ; explicavit se

ad

ad immensa spatia Beneficiæ: idcirco idem Amor, qui fuit in æternitate benevolus, fuit in tempore beneficus, eritque deinceps, modo velis, per interminatam æternitatem. Si sis Arithmeticus, revoca, si potes ad calculum, omnia, quæ vixisti, temporis puncta, Angelorum obsequia, naturæ totius in te congesta commoda; omnia ista, sunt amoris beneficia; Benevolentiae monumenta; Beneficiæ insignia. Non sunt in ære tot atomi; quod sunt in te ad amandum Deum stimuli: & amor tam fertilis, erit in pariendo amore in te sterilis? Da, vel parùm illi, qui dedit tibi multum; da modicum illi, qui tibi promittit centum: da, vel aliquid illi, qui tibi dedit omnia. Siquidem:

*Dat pyra, dat poma; is, qui non habet aurea dona.*

## 7. DIES DECEMB.

Summum Bonum, hoc est tuum bonum: Quid ergo deest, cui summum Bonum, bonum est? *S. August.* in *Psal. 102.*

Amandi Deum, I.

**E**cce supremus supremæ fœlicitatis hic est apex, Beatitudinis vertex, esse in illo gradu, ut nihil desit. Repugnant hæc duo; beatum esse, & aliquid sibi deesse. Si inter omnia, & post omnia, quæ vagè amando, prosequeris bona unum tibi sit bonum, quod eit summum Bonum: cùm in uno habeas omnia; jam necesse est, te beatum esse, cùm nihil tibi possit deesse. Quid ergo te fatigas, o Anima, ambulando vias difficiles, cùm habeas te; imò in te Deum, amari, & amare tam facilem? Quæris amandi invitamenta;

*Paris III.*

Qqq

nume-

numera, si potes, æternitatis momenta. Tot sunt in te Dei amandi tituli; quot sunt in infinito numeri. Et sicut illorum numerorum nullus est numerus: sic nec in te titulorum, quibus obligaris amare Deum. Quosdam exposuimus; expende, quæ sequuntur exponenda. Non tantum te ingratum gratis, amore indignissimum, infinitus Deus ab infinito tempore amare est dignatus; sed amorem tuum, quem non potest impetrare, ut extorqueat, ad redemandum invitat; & tantum non compellit præmiis, quorum nullus est numerus, infinitis; quorum nullus est terminus, semper ternalis. Tot scilicet, ac tantis opus est machinis, ut amorem hominis, quo non indiget, impetrat. Hic jam si potes, astima, quæm dignum sit, istum amari: Non tam, quia præmia amori summa promittit; quæm quia adeò bonus est, ut ne gratis quidem amari, sed abs te cupiat. Contra quæm instantum, imò & perniciosum, præ Deo amare illa; quæ non modò nullam pro tuo amore promittunt mercedem, sed omnem in te immittunt calamitem.

II. Quid, quod Deus sibi sufficientissimus; nullius extra se alterius ad felicitatem suam indigens, desideret à te amari; & quasi ingens consecutus bonum is, qui est omne Bonum, dum id nactus fuerit, quasi de optimo spolio triumphet gaudio? cùm tamen eum amari à te, nullum sit illi bonum, sed totum tuum. O quam pretiosius est noster amor! quem Deus ipse, & ardenter desiderat, & studiosè solicitat! Hic verò, quid magis repugnat Æquitati; fraudare tantam Majestatem, tanto suo desiderio, privare tanto gaudio: idque, ut vitiosis indulget deside-

desideriis, & perituris fruatur gaudiis ; quorum finis, est calamitas, cuius nullus est finis : & dolor, cuius perpetuum, ubi semel caperit, est principium. Et qua tu mente potes, vel qua fronte audes, Deum rogare, ut tuas audiat preces ; & exaudiat desideria praecantis, qui posthabit is, quae deberes omnibus præhabere, ejus justissimis, juxta ac sanguinissimis desideriis, totum te consecras desideriis recordis tui cordis ? Ut Deum ames, non tantum est ipsius desiderium, sed imperium : vult, quod non potest impetrare, imperare : itaque amorem sui, non tantum ut amicus suadet ; sed ut Dominus jubet. Certè tantum est nobis bonum amare summum Bonum : ut si imperasset, ne amaremus : fuisset imperium obseruatu non tantum difficile, sed intollerabile. Quam durum fuisset, non licere eum amare, ad quem amandum tot sunt illecebæ, quot ubique creaturæ : non posse eum amare : quem amare, est prima felicitas : non amare, ultima calamitas ? Quantum sit bonum, amare Deum : non concipit, qui eum non amat, dum amare sic præcipit.

III. Non h̄c sistit amor Dei, ut eliciat amorem tui. Non tantum, si ames, pollicetur præmia : sed n̄ si ames, minatur supplicia : & quidem utraque in suo gradu summa, quia æterna. Tanti est ergo amor tuus Deo : ut nisi tu ames, ille oderit : Tanti & tibi, sit divinum odium, ut saltem amore id redimas: qua re potius facilius ? ama : & qui eras odio, factus es amabilis. Fœliciter amas, qui amando, totam exples legem, & omnes evadis poe-

Qqq 2

nas ;

nas ; amor émque erga te divinum, quo nihil optabilius, merearis : illius, inquam, cuius odium, damnatio est ; cuius amor, salus est. Ad hæc, divina Bonitas; ut nulla ulli esset in amando difficultas, summa facilitas, omnibus se creaturis immiscuit : quæ ideo sunt bonæ, quod à Deo sint bono. His tu utere hoc modo : ut in creatis, ames Creatorem ; in pulchris, pulchritudinem ; in suavibus, suavitatem ; in doctis, doctrinam ; in sapientibus, sapientiam ; hoc est, in omnibus, qui est omnia, Deum. Amant Beati in cælis : & amando, beati sunt : & quidem tantò beatiores, quantum in amando ferventiores. O qualis vita, quæ solo constat amore, & boni summi ! Amant non tantum Beati in cælis, sed & justi in terris : & illi tantò sunt justiores, quanto in amore perfectiores. Tot, tantisque amandi exemplis, si non moveris : nec justus es modò, nec beatus eris olim : quod verè times, si sollicitè caves : & qui amantium speras præmium, amantium quære consortium. Amare Deum, videtur arduum : omnium enim constat observatione mandatorum : nullum enim negligit, qui eorum Auctorem diligit. Facile tamen est illi, qui Gratia est præditus ; quâ te prædictum, tam es certus, quam Deum, gratiae Auctorem amare te experiris. Quid ergo promptius, quam amare illum, cuius per gratiam es Filius : & cuius eris aliquando per gloriam hæres,

*Dilige, quidnam hæres: cæli, si diligis, hæres?*

8. DIES

ecemb.

Decemb.

optabi-

amatio-

nitas: ut

facilitas,

unt bo-

modo:

pulchri-

doctri-

n omni-

elis: &

s, quan-

uæ solo

tantum

atò sunt

, tantis-

ustus es

, si soli-

, ani-

videtur

e man-

Aucto-

est præ-

Deum,

ad ergo

tiam es

eres,

DIES

8. DIES DECEMB.

Maria est naturarum inter se unitarum officina; Salutaris reconciliationis panegyris. S. Proclus Hom. de Nativit. Dom.

Mariae Con-  
ceptio.

**Q**uis hodie non sit pro Virgine Panegyricus; dum illa concipitur, (quod à nullo percipitur) quæ est *Salutaris Reconciliationis Panegyris*? Quam locuples nobis hodie aperitur officina; in quâ duæ naturæ, divina, & humana Sacro sancto vinculo sic uniuntur; ut in duabus naturis, eâdem subsistentiâ nixis, una tantum sit persona. Quantam nos omnes par est lætitiam concipere: dum illa, quæ est causa nostræ lætitiae, concipitur? Quantò, & amoris impetu in eam ferri: quæ est Mater ipsius Amoris, & quo post Deum, nihil est amabilius. Nihil sic indiget magisterio, quam Amor: nec enim turpius erratur, quam dum, quod dignum est odio, amat. Amare verò, is docet optimè, qui est optimus, qui & ipse totus Amor est: & cuius tota vita, amor est: & qui quilibet amando, facit amore dignum, quod amat: Deus, inquam, cuius exemplo quidquid amat, securissimè amat. Is verò post se ipsum nihil amat supra Mariam vehementius: nihil condidit amabilius. In tota rerum natura nihil est animâ humanâ post Angelos, & dignitate suâ, & pulchritudine amabilius: sic ut visâ illâ pulchritudine homo mallet subire omnia omnium Martirum tormenta: mallet, licet foret alter divitiis Cræsus, facere bonorum omnium jacturam: mallet, licet

Qqq 3

venu-

venustate formæ esset alter Absolon , amissa omni pulchritudine, Thersite esset de formior : quam illam minimo minimi peccati nœvo contaminare.

**I I.** Si quævis anima sit tantæ pulchritudinis , quantæ debuit fuisse Anima Mariæ , quæ velut animalium Regina , elegantissimam retulit Deitatis imaginem : sic ut nulla fuerit, aut futura sit eleganter : cuius aspectu, velut lucidissimi in creatis, peculi sui, seipse Creator oblectavit : præsertim cum eadem Anima , beneficio illi uni singulari , ab omni fuit peccati labo ( quæ unica tollit , minuit animæ amabilitatem ) tam originali , quam actuali eximia, adeoque puritate sua , amabilissima. Quid , quod Gratiarum in ea plenitudo : & virtutum omnium in ea occurrentium perfectio , ac bonorum omni naturalium, ac supernaturalium copia, sit maxima illam amaudi illecebra. Fuit enim , ut naturæ prodigium: sic & Gratiae miraculum. Angelus pleno ore eam extulit, dum gratia plenam protulit. Quid porrò pulchrius Gratia : quæ omnis cum Deo , qui est pulcherrimus pulchritudinis Author , amicitia origo est? Si quævis etiam minimæ gratiae tanta est pulchritudo : quanta erit, ubi est Gratiae plenitudo : & quidem tanta , ipso primo , quo concepta est , momento , ut nullus eam adæquarit , ut omnibus nobis abundet. Huic plenitudini Gratiarum accedat plenitudo Virtutum , & quidem singularum in summo gradu eminentium : hæ singulæ adeo fuerunt in ea absolutæ , ut meritò Regina Virtutum indigetur : virtute autem nihil amabilius. Merita vero ejus tanta fuerunt , quanta illius gratia nunquam vacua , aut feriando otiosa : quantæ virtutes semper intensæ :

quanta

Decemb.

quanta  
go tanta  
non mer  
hic fige  
ginis lab  
nem : neIII.  
& Mate  
viscaris  
Gratiæ  
quid tib  
miseri,  
tione.majus &  
sericord  
xiua in  
ideò pr  
sericord  
cator su  
citate f  
tua mi  
reri, d  
fecerun  
sunt to  
faceret  
hunc l  
Matriego s  
peccat  
mus, &  
( a ) C

( a )

Decemb.

Tessera.

983

quanta Gloria, inter Beatos omnes summa. Et Virgo tanta tam amabilis, quam ipsa amabilitas, tuum non mereatur amorem? o mi Amor! quo vagaris? hic fige sedem, ubi nullam reperies ab origine, originis labem? Unde Filius Dei suam desumptit carnem: non errabis amando, nec peribis errando.

III. Agnosco te Matrem meam, o Mater Dei, & Mater Gratiae, & Misericordiae! obsecro, ne obliviscaris nominis tui: de quo tu ipsa gloriaris Mater Gratiae diceris & Misericordiae: sed hunc titulum quid tibi dedit, nisi nostra miseria: quia tam sumus miseri, ut egeamus omnes tua gratiam, & miseratione. Quare, quia ego sum omnium miserrimus, majus & jus presumo me habere in viscera tuae Misericordiae. Dignitas magnatua, accidit ex mea maxima indignitate: Sanctitas tua ex meis peccatis: ideo presumo me habere primum locum in tua misericordia: quia primus, & maximus omnium peccator sum, & plus ceteris miser. Non tantâ perniciate fertur in cadaver aquila, quam in miserum tua misericordia; quæ tunc demum desinet miserari, dum deerit, cui misereatur. Matrem Dei, te fecerunt peccata hominum: at peccata mea sola sunt tot, ac talia, ut vel illa solùm sufficerent, ut te facerent Matrem Misericordiae. Recordare, quod hunc honorificum titulum, de quo post titulum Matri Dei, & Virginis, supra coeteros gloriaris, ego solus possim sustentare, ob iunumera mea peccata spero in misericordia tua: Ego miserrimus, & credo verissimè dictum à famulo tuo Blosio:

(a) Citiùs calum & terra perierit: quam tu aliquem serio

Q q q 4

te im-

(a) Specul. Spirit. c. 12.

te implorantem, tuâ ope destitua. Quantò certius credes illam fuisse conceptam sine labe: tantò citius expiaberis ab animi clade.

*Nulla fuit labes in mente, aut corpore tabes.*

## 9. DIES DECEMBRIS.

**C**hristi velle, fecisse est. *Ambroſ. de bono cap. 12.*

Christus, I.  
homo &  
Deus.

**H**A&enus de Deo, modò dilabimur ad Deum Hominem: ut cum eo brevi nascituro, moriamur mundo, renascamur cœlo. Quid non sperandum ab illo boni? cùm juxta tesseram, illius velle, sit fecisse. O velit tantum, (& quid non volet nobis boni, ipsa Bonitas) & fiet! proferat semel illud leproso dicitum: *Volo, mundare: & illicet mundus erit totus mundus.* Christo enim voluisse mundare, est mundasse. Ut igitur extorqueamus illud *volo*, ab eo: cuius velle, est fecisse, ad Christum, ut ad omnis amoris centrum, & intellectus nervos omnes industria, & voluntas omnes vires amoris convertat. In primis, si amorem è corde evocet species pulchritudinis, est ipse speciosus formâ p̄æ filiis hominum. Quia quam pulchritudinem habuit Verbum, quod erat in principio apud Deum: eandem habet & Verbum Caro factum. Ejus Divinitatem copulatam cum ejusdem Humanitate, scitè describit Isidorus: (a) *Mediator Dei, & hominum, homo Christus Jesus: et si aliud, ex Patre: aliud ex Virgine: non tamen aliud ex Patre: aliud ex Virgine: sed ipse æternus, ex Patre: ipse temporalis, ex Matre:*

(a) *Sent. l. 1. c. 16.*

ipse qui fecit : ipse qui factus est : ipse de Patre , sine Matre :  
ipse de Matre , sine Patre: ipse Conditoris templum ; ipse Con-  
ditor templi : ipse Auctor operis , ipse opus Auctoris : manens  
unus de utroque , & in utraque natura : nec natura copula-  
tione confusus , nec natura est distinctione geminatus .

II. Est ergo pulchritudo increata , ut Deus : &  
creata , ut homo. Quis igitur non amet illam pul-  
chritudinem : sine qua nihil est pulchrum , ex qua  
omne est pulchrum ? Ipse homo factus , compara-  
vit sibi regnum cordium , non ferreo , sed ligne : nou-  
faciendo multa , sed patiendo non pauca. Est idcir-  
co supra omnia execranda execrabilis , qui illi non  
pendit vegetal amoris. Sed quid mirum , si tu non  
pulcher , non ames pulchritudinem ? Esto prius ip-  
se pulcher , ut ames eum , qui est ipsa pulchritudo.  
Instruct te , ut eam acquiras , D. Augustinus : ( a ) Qua-  
res pulchritudinem ô Anima ! ut amet te sponsus tuus :  
etenim displices ei fœda. Ille autem , qualis est ? specio-  
sus forma præ filiis hominum. Osculari vis fœda pul-  
chrum ? sed non attendis , quia tu iniquitatibus plena es ?  
De illo dictum est : speciosus formâ præ filiis hominum ,  
diffusa est gratia in labiis tuis : propterea adolescentulæ  
dilexerunt te. Huic tu placere vis ô anima humana ! ô  
una in multis ! vis ei placere , non potes , quâm diu defor-  
mis es ? quid facies , ut pulchra sis ? prius tibi displiceas  
deformitas tua : & tunc ab illo ipso , cui vis placere ,  
pulchra mereberis pulchritudinem. Ipse enim , erit Re-  
formator tuus , qui fuit formator tuus. Ergo prius  
attende , quæ sis : ne audeas ire fœda in pulchri oscula.  
Quid expeditius , ut acquiras pulchritudinem ani-

Qqq 5

mæ

( a ) In Psalm. 104. Psal. 44.

*mæ tuæ? Respice in faciem Christi tui? vix respicis illius faciem : & mox despicias omnem pulchritudinem, quæ est super faciem terræ. Ille, cùm esset in forma Dei, dilexit te deformem.*

III. Recè dixit Gregorius Nyssenus : *Animæ instar speculi : quod suscipit simulacra eorum , quæ illi objiciuntur. Quod si pulchra speculo objicias : pulchram in se speciem, formamque suscipit: si verò deforma, deformem. Si igitur, animæ tuæ, quæ est instar speculi, objiciatur Christus, hoc est, Pulchritudo : & ipsa reddetur pulchra, quia suscipiet in se illius simulacrum , qui est speciosus præ filiis hominum. Ecce methodum acquirendæ pulchritudinis? Nullus quâcunque industriâ , licet longissimo tempore in pulcherrimas intendat formas, imò ipsum lucidissimum intueatur Solem : efficiet ut inde pulchrior, & clarior, vel Soli similior? Id soli reservatum Soli Justitiæ: qui se intuentes reddit virtutum radiis conspicuos, Gratiæ pulchritudine conspiciendos. Ad illum igitur, hoc Sacro sancto tempore, quo illum expectamus, qui est omnium expectatio, convertamus nostros oculos : ut ab illo , qui est lux mundi , recipiamus, quo luceamus, radios. Aspiciamus illam faciem : quam aspexisse , pulchritudo est aspicientis. Intendamus illi Imagine, quæ fecit nos ad Imaginem suam. O pulcherrime , & speciosissime Jesu ! quis non amet? quis non quærat? quis non adhæreat intimè tibi? cuius corona, æternitas : cuius amictus, fœlicitas : cuius intuitus, benignitas: cuius sermo, veritas: cuius conversatio , suavitas: cuius cogitatio , pietas: cuius denique complexus est, omnis boni satietas :*

ut

ut mea pulchritudo non sit formæ venustas, sed vitæ probitas. Quia

*Dat probitas speciem : sed non species probitatem :  
Qui probitate caret ; nil sua forma valet.*

### 10. DIES DECEMB.

Christi est ; de via iniquitatis ad viam veritatis reducere, & deducere per eam. S. Bernard. in sermon. de expos.

Christus est  
frater noster.

I. **P**rius necesse est, Christum se-  
qui, quam postlimus assequi.

Nec est, quod nos terreat via,  
quâ illum sequeris difficultas : quia teste Sapiente :  
(a) *Justum deduxit Dominus per vias rectas. De quibus  
ita Mellifluus Doctor : Via Domini, via rectæ, via pul-  
chra, via plena, via plana. Rectæ, sine errore, quia ducunt ad  
vitam : Pulchræ, sine corde, quia docent munditiam : Plena  
multitudine, quia totus mundus est intra Christi segenam :  
Planae, sine difficultate, quia donant suavitatem : Jugum enim  
eius suave est. Ambulans igitur per has vias, pervenies  
ad Christi cunas. Sequere Christum per semitas, per  
quas graditur : ut attingas ad præsepe, in quo nasci-  
tur. Sed prius quis, & quantus sit, quem sequeris : ut  
mente assequaris, ejus intima penetremus adyta. Non  
est homo in mundo, cui cor non finderetur præ gau-  
dio, si perciperet immenses thesauros, qui absconditi  
sunt in Christo, & quos consequi posset per Chri-  
stum. Fratres Josephi peribant fœtore inedia, & fame,  
quia nesciebant fratrem suum regnare in Ægypto.  
Quid hic mortales affligimur in mundo : frater no-  
ster regnat super mundum in cœlo.*

### II. Gau-

(a) *Sap. 10. Suprà.*

**II.** Gaudete mœsti: exultate miseri: erigimini affliti: sperate improbi: frater vester Jesus, ascendit super omnes cœlos, sedet ad dexteram Patris, est Rex cœlorum immortalis: si mihi non creditis, credite ipsi sic loquenti: (a) *Data est mihi omnis potestas in cœlo, & in terra.* Quid ille vobis non potest dare, cui data est omnis potestas? An aliquid ad fidem faciendum requiris testimonium? ipse qui testatur, sit Dei oraculum. Christum esse Dei Filium, est conspirans vox omnium. Audi Hilarium: (b) *Filium Dei, Dominum nostrum Jesum Christum, docentes, dum de eo testatur Pater: dum de seipso profitetur: dum Apostoli prædicant: dum Religiosi credunt: dum dæmones clamant: dum Judæi negantes, fatentur; dum ignorantes, intelligunt gentes: ne jam ambigendum permitteretur, quod ignorandum non relinquebatur.* Itaque, quare tristis es anima mea? poriùs gaude gaudio magno: quia Frater tuus, tam certò est Deus, quām non incertum est, aliquem esse Deum: ipse dispensat divitias divinas pro suo arbitrio: largitur cælestem gloriam pro suo imperio: gloriâ, & honore coronat quemlibet pro suo merito: non Angelum, non extraneum: sed fratrem tuum constituit Dominum domus suæ. Ad cælum admittet te, quia ad terram submisit se. Per suam sanctissimam Humanitatem via est, & ostium, per quæ sanctissima Trinitas ad nos venit: per quæ etiam ad eam transire, & in æternum mansionem apud eum facere debemus. Per eam portam ingredietur, & egredietur anima mea, & passua iuveniet amoris: ô ingredi animæ meæ! ô egredi! ô ire! ô sibi perire! ô per Christum transire, & ad Deum

(a) *Matth. 28.* (b) *I. I. de Trin.*

Deum pervenire ! hæc porta Domini, justi intrabunt  
in eam.

III. Non h̄ic se stitit amor fratris nostri ; ut esset  
via, & ostium ad Patris Regnum : quia jam eramus  
in paradiſo exuti ueste nuptiali, atque adeò nudi gra-  
tiā: ideoque indigni gloria, prospexit nobis de regia  
purpura : quam ex omnibus venis, effuso sanguine  
tinxit, atque ita nuditatem nostram texit : hoc est, in  
se suscepit nostra scelera, & nobis dedit sua merita.  
Ut jam naclī fuerimus per ea strictum jus in hac vita  
ad Gratiam : post hanc, ad gloriam. Et quidem illa  
merita sic nobis à Christo data, pluris sunt ad quid  
imperrandum à Patre ; quām si nos ea ipsa opera,  
quæ Christus, & nos fecissemus : ut si nos fuissemus,  
sicut Christus, illūsi flagellati, spinis coronati, cruci  
affixi pro Dei Gloria : infinites minoris fuissent me-  
riti illa opera, quām Christi : quia fuissent homi-  
nis peccatoris : Christi autem, sunt opera Dei. Vi-  
de igitur, quantū debes Christo : qui in se tua, ut  
satisfaceret pro eis, suscepit crimina : & ne pro iis  
patereris, sua tibi largitus est merita : qui tanta ma-  
la tibi abstulit, & tot bona contulit. Propter tot,  
quibus te liberavit, mala : & tot, quibus te cumula-  
vit, bona, duæ in te exurgunt obligationes infinitæ:  
quibus, ut facias satis : unum hoc, qui innumeræ  
potuisset, à te poscit : ut sicut ipse satisfecit pro  
peccatis tuis perinde ac si non tu, sed ipse peccata  
tua patrasset : sic tu non aliter offeras Patri merita  
eius Filii, quām si tua illa forent : ac per illa tibi au-  
geas tua merita, adeoque cumulum Gratiae, ac Glo-  
riæ. Tu autem quæ h̄ic pateris, conjunge cum iis,  
quæ passus est Christus : & sine Deum h̄ic te ferire,

&amp;

& in te s̄avire: hoc enim est, per Christum ad Deum  
ire. Quia

*Cūm surit, atque ferit: Deus olim parcere querit.*

## II. DIES DECEMB.

Descendit huc ipsa vita nostra, & tulit mortem no-  
stram. *Augustinus l. 4. confess. c. 12.*

Christi in nos I.

**Q**UOMODÒ pervenias ad  
eum, qui est Vita: nisi per  
eum, qui est via? Per fi-

dem Christi, imitando Christum, venimus ad Reg-  
num Christi. Bellè Hilarius: (a) Non nos in  
erratica, atque in invia deducit ille, qui via est:  
neque illudit per falsa, qui Veritas est: neque in  
mortis relinquit errore, qui vita est. Ecce hīc quo-  
modò per Christi misericordiam pervenimus ad ejus  
gloriam? Eramus ob nostra scelera execrabilia  
monstra, & spectra: per Christum facti sumus gra-  
tissimum cælo, & Deo spectaculum: Eramus in li-  
mine Averni: jam sumus in vertice Olympi: Eramus  
in faucibus tartarei draconis: jam sumus in Cordis  
æterni Patris: indigni eramus divinis oculis, jam di-  
gni sumus divinis amplexibus: eramus servi peccati,  
damnandi in ergastulo orci: jam sumus filii Dei, co-  
ronandi in Regno cœli. Altius non exaltavit Christi  
coniuncta cum Divinitate Humanitas, quam nos  
humiliaverat peccati nostri iniquitas. Acquievisset  
nostra miseria, si extraxisset nos à tartaro, & reliqui-  
set nos miseros in hoc exilio: sed non quievit miseri-  
cordia Christi, nisi nos extulisset super cœlos, & in  
cœlis super Angelos. Nimirum fecisset, si nos filios

ix,

(a) *L. I. de Trin.*

ira, eximisset à pœnâ iræ, si nos reos gehennæ, reliquieſt in miseriis hujus vitæ: sed impetravit veniam culpæ, & vendicavit à reatu pœnæ. Plus quām satis fuifset, si impetrasset delicti veniam: sed insuper conciliavit nobis quaſi innocentibus Patris gratiam, & amicitiam, Stupendum fuifset, si impetrasset solam Patris benevolentiam, impetravit & ejus beneficen-  
tiam.

II. Quid potuit ultrà facere? quæ difficile eſt vel credere. Fuifset ſupra omnem fidem, ſi poſt tantum flagitorum cumulum, obtiuuifſet minimum, quod ſingi potheſt, beneficium: obtinuit, ut iplum Patris Regnum, eſſet noſtrum domicilium: ut ejus gloria, eſſet noſtra hæreditas, ut ejus vita, eſſet noſtra immor-  
talitas, ut ejus viſio, eſſet noſtra beatitudo. Niſium feciſſet, ſi impetrasset hoc ſemel: ſed impetravit, ut nobis daretur infinites, ſi toties perdiſſemus, dum poſteā pœnitentes ad eum conſugeremus. Denique, quidquid eſt Dei, impetravit pro nobis Homo-Deus. Vide igitur, unde te eripuit, & quod extulit? & vide, an non ſic certaverit ejus Misericordia cum tua miseria? ut illa tantum hanc antecedat, quantum punctum temporis Æternitas, punctum loci Immensitas. Gra-  
tus eſt canis homini ob aliquot, quæ ei projicit ossa: & homo ingratus eſt Deo, poſt innumerā, quæ illi contulit dona. Eſſet uè aliquis tam projectæ audaciæ, qui in vinculis captivus auderet vel optare, nedum orare, ut rex ſuus, pro eo liberando, è ſuo folio deſcen-  
deret in carcerem, eum liberaturus. Quod nemo au-  
det optare, aut petere, hoc Rex gloriæ voluit pro te fa-  
cere, dum pro nobis, quaſi nocens eſt captus, ut fur, eſt  
vincitus, ut malefactor, percuſſus, ut reus, damnatus,  
ut

ut latro occisus. Quis non deficeret præ stupore, si mundi totius Monarcha, vile mendicabulum, bubulum, aut porcarium, reum mortis vel semel inviseret? Quid si proditorem suum? quid si pro illo relinquenteret thronum, desereret Regnum, assumeret illius malefactoris statum, & abjecto diademeate, ut alterum demitteret, maneret in carcere?

III. Quod credimus vix posse fieri, fide novimus esse factum. Satis fuisset mihi remisisse culpam, voluit pro me & amittere vitam: poterat ignoscere sedens ad dexteram Patris, voluit, ut ignosceret, descendere ad uterum Matris: vel hoc saltē fuisset plus quam satis, voluit inde ascendere ad patibulum Crucis. Hæccinè vana, an vera? hæccinè fabula, an fides? si veritas, ubi nostra charitas? si supra nostra merita, tanta voluit pro immeritis facere, cur non conamur, pro merito satisfacere? o quam deberet nobis gratus esse Jesus, per quem grati sumus Deo! quam nobis amatus, per quem facili sumus Deo tam amabiles? o quam piè hic Augustinus! Descendit huc ipsa vita nostra, & tulit mortem nostram, & occidit eam de abundantia vita sua, & tonuit clamans ut redeamus hinc ad eum, in illud secretum, unde processit ad nos, veniens in ipsum primum virginalem uterum, ubi ei nupsit humana Creatura, clamans dictis, factis, vitâ, morte, descensu, ascensu: clamans, ut redeamus ad eum. Est quidem proverbium: *Sola miseria catet invidiam; at nostra miseria, etiam Angelorum digna est invidiam, ut dici possit verè cum Ecclesia: felix culpa, quæ talem meruit Redemptorem.* Ita enim reparata est nostra miseria, tantaque coronata est gloriâ, ut pars magna sit nostræ felicitatis, fuisse infelices.

Per

Per Christum enim successit nostræ miseræ summa felicitas : ignominiae gloria, paupertati opulentia, calamitati beatitudo, exitio salus. Nec fortassis unquam tam altè fuissimus erecti, nisi priùs tam miserè fuissimus prostrati. O felix casus, quem talis sequitur status ! ut eum nanciscaris, ne doleas hīc te dolenda pati, cui aliquando dabitur Deo frui ? Hoc non tam dicit, quam prædictit Vates :

*Hic homo torquetur, ne perpetuò crucietur.*

## 12. DIES DECEMB.

Filius Dei non se exinanivit, amittens quod erat; sed accipiens, quod non erat. *S. Augustinus tractat. 17. in Joan.*

Christus, Deus & homo.

**I.** **F**'ilius Dei, cùm, quod erat, non amiserit, hoc est, naturam Dei; sed quod non erat, acceperit, hoc est, naturam hominis : liquet Christum simul fuisse Filium & Dei ante tempora, & hominis in tempore. Hujus rei veritatem probabunt SS. Patres, quorum testimonia, veritatis sunt oracula. Primus sit, cui debemus primum Ecclesiæ Doctorem, Augustinum, inquit, D. Ambrosius. (a) Legimus Primogenitum Filium, legimus Unigenitum ; Primogenitum, quia nemo ante ipsum : Unigenitum, quia nemo post ipsum. (b) Et alibi. In ipsa naturæ humana affectione Majestatem licet spectare Divinam : fatigatur ex iraнее Jesus, ut fatigatos reficiat : Petit bibere, sufficientibus potum spiritualem datus : Esurit, cibum salutis esurientibus traditus : Moritur, vivificaturus : sepelitur, resurrecturus : tremendo pendet in ligno confirmatus

Pars III.

Rrr

tre-

(a) L. I. de fide c. 6. (b) Ibid. l. 5. c. 1.

trementes : cœlum caligine obducit, ut illuminet : terras tremefacit, ut solidet : Maria conturbat, ut mitiget, reserat tumulos mortuorum, ut ostendat domicilia esse viro-  
rum. Creatur ex Virgine, ut ex Deo natus esse creditur : nescire se simulat, ut scire faciat nescientes. Item Euse-  
bius Gallicanus : (a) Similis mihi æqualitate substantia,  
vel naturæ, sed Innocentia, ac Justitiae paritate dissimilis ;  
ut de meo haberet, unde pro me solveret, & de suo, unde pe-  
nitus in nullo debitor appareret. De meo ergò habuit un-  
de crucifigeretur : & de suo. unde conglorificaretur : de  
meo, unde caderet, de suo, unde resurgeret : de nostro ita-  
que dedit peccati hostiam, de suo, indulgentia tribuit gra-  
tiam.

II. Sed ut fusiùs ita & elegantiùs idem Auditor  
alio loco : (b) Parvulus natus est nobis, & filius datus  
est nobis. Hoc loco Propheticus sermo, Dei, & Hominis inve-  
nitur expressissime naturam. Utramque enim fides Catholica  
prædicat, & credit : Nam si hominem tantum dixeris  
Christum, negas potentiam, quâ creatus es : si Deum tan-  
tum dixeris Christum : negas Misericordiam, quâ san-  
tus es. Quid ergo ? Parvulus natus est nobis, & Filius da-  
tus est nobis. Natus est nobis, qui sibi erat : datus est ergo  
ex Divinitate, natus ex Virgine. Natus, qui sentiret occa-  
sum : datus, qui nesciret exordium. Natus, qui & Mater  
effet junior : datus, quo nec Pater effet antiquior. Natus,  
qui moreretur : datus, ex quo vita nasceretur. Ac sic, qui  
erat, datus est, qui non erat, natus est. Illic dominatur, hic  
humiliatur : sibi regnat, & mihi militat. Et paulò post:  
(c) Christus inseparabilis cum Patre substantia, & ad  
terrena descendit, & cœlestia non reliquit, & hic adiuit,

(a) Hom. 6. de Pasch. I. (b) Hom. 6. de Nativit. I. /  
9. 6. (c) Psal. 18. 6.

& illic non defuit. Nam sicut dicit Propheta : A summo calo egressio ejus , describitur quidem eundi , & redimenti velocitas , sed discursum nescit Immensitas , quia Deus ubique totus est. Accedere ad nos Misericordia potuit : recedere à se plenitudo non potuit. Qui enim exceptit omnia , quid recedit ? Ac sic Unigenitus à Patre missus , non amissus est. Et ideo dixit Propheta : (a) Eruflavit cor meum , verbum bonum. Sicut enim ex usu prolatum hominis verbum : ita ad audientem à loquente transfertur , ut tamen in eo , de quo progreditur , corde teneatur , sicut sermo , quem loqueris , & à te exiit , & tecum est , novo , & stupendo genere & transit , & remanet , transfunditur , nec elabitur , & quod dirigitur , pervenit , & unde emititur , non recedit. Ita & Dominus Noster Iesus Christus , qui in principio erat Verbum : Deus apud Deum , ad nos prodixit , à Patre non exiit : illuc adstitit , huc processit ; ad nostra descendens , in suis remansit : sicut ad sua regrediens , nobiscum remansit. Et ad nos igitur Verbum incomprehensibile percurrit , & à Patris pectore non recessit.

III. Eadem est mens , licet alia verba S. Procli :  
 (b) Venit ad salvandum , sed & pati illum oportuit. At quomodo utraque hæc fieri potuerunt ? Homo purus salvare non poterat : Deus solus pati nequibat. Quid igitur ? iste Emanuel Deus , factus est homo ; & id quidem quoderat , salvavit : quid vero factum est , subiit passiones. Idem erat in sinu Patris , & in utero Virginis. Idem detinebatur inter Matris brachia , & ferebatur super pennas ventorum. Idem ab Angelis adorabatur , & cum Publicanis mensæ accumbebat. Vix Cherubim aspicere

Rrr 2 audebant,

(a) Psal. 44, 1. (b) Hom. de Nat. Dom.

audebant, & Pilatus interrogabat. Servus colaphis cedebatur, & ipsa creatura horrebat. Crucifigebatur, & thronus gloriae non deserebatur. In sepulchro claudebatur, & calum, uti pellem extendebat. Inter mortuos reputabatur, & infernum despoliabat. Hic, ut deceptor columnis afficiebatur, ibi, ut sanctus glorificabatur. Ob signo haec omnia effato S. Augustini. (a) Christus factus est homo, qui erat Deus: accipiendo, quod non erat, non amittendo, quod erat. Ita factus est Homo - Deus. Erigat te Christus per id, quod homo est: ducat te per id, quod Deus, & homo est, perducat te ad id, quod Deus est. Tu esto humanus erga Hominem, Divinus erga Deum, & eris acceptus Homini - Deo. Nimis quam luculentè, tum suā Humanitate, tum Divinitate (ut claudam usitato penso.)

*Christus monstravit, quantum te semper amavit.*

### 13. DIES DECEMBRIS.

Puderet te fortasse imitari humilem hominem; saltem imitare humilem Deum. S. August. tract. 25. in Joan.

Christi I. merita in-  
finita. **T**Ocis, velut in circo, viribus inter se certarunt, hinc hominis superbi miseria: indè humilis Dei Misericordia.

Sed non æquo Marte: nam dum humilis Deus depref- sit hominis superbiam, sustulit & miseriam: ut jam miserum esse, non sit Dei cogentis, sed hominis vo- lenti: Enim verò. (b) Quæ superbia sanari potest, si humili- tate Filii Dei non sanetur? Ait Augustinus: Puderet fortasse imitari humilem hominem, saltem imitare humilem Deum.

Quid

(a) Tract. 23. in Joan. (b) De Agon. Christi c. II.

Quid non impetrabit à Deo Patre, humiliis Dei Filius? quām debet is esse apud Patrem gratiosus, cūm ejus gratiā tot sint Deo grati? ubi Christi vel nomen tantum personat, illic Misericordia mox advolat. O vox mirae virtutis, per Christum, quā auditā commoventur omnia viscera Misericordiae? Inter homines omnes solus est Christus, qui Patrem pro dignitate divina amat: quomodo Filius, qui sic amat, si aliquid rogat, non obtinebit rogata? Nomen Filii, sine ullo obsequio gratum est etiam cœlestissimis hominibus: quid non faciet Filii titulus, apud Patrem, tot titulis, quot obsequiis Patri præstitis (ut sic loquar) obstrictum? qui pensiculatiū secum expenderit Christi erga Patrem obsequia, censebit præmia omnia ei debita. Perierat Patri totus, quem creaverat, mundus: sed Filius ejus, ingressus mundum, suo sanguine expiavit, & perditum Patri restituit. Annè hoc parvi momenti est obsequium?

II. Plurimi in cœlo Angeli, & omnes in terris homines, Patri jam perduelles, movebant illi suâ superbiâ bellum: ipse Filius voluit tantum damnum resarcire; humiliavit ergo se usque ad mortem, mortem autem Crucis: & sic reparavit gloriam Patris. Voluit homines pervicaces dedocere contumaciam, & docere obtemperantiam. Omnes homines Patrem contemptibiliter despiciebant, & illius violabant honorem, cui soli debetur omnis honor: Filius voluit eum pro omnibus honorare. In Patrem, omnes sacrilego ore blasphemabant: Filius, pro omnibus blasphemantibus Patrem, adorabat. Denique, ubi mundus scatebat Dei inimicis, tot ei restituit officiosissimos famulos, fidelissimos amicos, amantissi-

mos filios. Imò cælum incolis vacuum repletit Dei cultoribus, & amatoribus. Sed quali hæc omnia præstítit dignitate, quanto amore? Cùm fuerit omni ex parte infinitus; talis, tantusque fuit, ut non suppetat Patri, nec quā intelligat scientiā, nec quā valeat potentia quā possit præmiis sat dignis remunerari Filii obsequia longè dignissima. Illa si sint vera: imò, cùm sint vero veriora; hæc pauca nunc tecum expende: Si Deus tam sit beneficis, ut impiis benefaciat: si tam justus, ut justus ultra merita satisfaciat: si in omnes sit tam effusè munificus, ut nullo etiam benefaciendi expectato titulo, dona sua in omnes cumulatissimè profundat: an in Filium erit iniquus, qui in hostes tam est benignus? Age, quid ager Pater? ubi viderit se non posse superare Filii sui merita: sed minora esse omnia præmia, quæ Filio dedit, & in gratiam Filii, aliis quibuscumque hominibus, & quidem infinite minora quam sint ipsas Filii officia.

III. Sufficit vel unicum ejus suspirium, ut omnes homines evadant æternum exitium. Propter pedis, aut manus vel minimum motum, deberet Pater ejus, conferre cuilibet homini quascunque virtutes, & quidem in excelsissimo gradu, quibus ulli unquam homines præcelluerunt: videlicet, fidem Abrahæ, Obedientiam Isaac, Tolerantiam Jacob, Mansuetudinem Moysis, Patientiam Job, Pietatem Davidis, Castitatem Josephi. Meretur vel una ejus oris vocula, ut omnes homines, tam ardenter Deum amarent, quam omnes simul in cœlo Seraphini. Imò ut concipiás spem immensam, per immensa Christi merita, quidvis à Patre impetrandi: vel unica, quæ ex Divinis ejus oculis stillat lachrymula, tanti est apud Patrem

Patrem

cemb. Decemb.

Tessera.

999

Patrem meriti, pro nobis pretii: ut tametsi Pater propter illam unam largitur omnes favores, gratias, dona, beneficia, virtutes, ac sanctitatem, quæ largitus est Matri sui Filii; nequid fecisset Filio suo satis, plura mereretur illa lachrymula, majora posset exigere. Filius præmia: plura & homo posset petere munera. Quid ergo negabit Pater, si nos quidpiam vel petamus per illum, vel ille pro nobis? si Deus supra expectationem, contra opinionem, citra merita, supra modum, ad usque excessum est munificus; etiam cum homines judicant non debere conferri gratiam, & beneficium: sed potius inferri pœnam, & supplicium: annè parens & avarus erit, cum homines judicabunt debere, non tantum gratiam dari, sed velut debitum reddi? Si igitur habeas amicum tibi Filium: experi- eris tibi amicissimum & Patrem. Ad tuas preces ac- curret Filius, succurret Pater: uterque tibi erit ami- cus: non tantum ut donet liberalis, sed ut juvet fidelis: quod est argumentum sinceri amici, ut benè Poëta.

Hunc fidum dico, bene qui succurrit amico.

#### 14. DIES DECEMB.

Omnia bona terrena contempsit Christus; homò fa-  
tus, ut contemnenda monstraret. S. August. de Ca-  
tech. rud. cap. 22.

Christus est no- I. **N**on est scientia contem-  
bis exemplar. nenda, scire, quæ sint con-  
temptibilia: sicuti & vir-  
tus est maximi æstimando, æstimare æstimabilia. Ideo  
Pater æternus nobis contulit beneficium inæstima-  
bile dum ad nos misit suum Filium, ut esset unus no-  
bis Magister; qui nos doceret non modò præceptis,

Rrr 4

sed

sed exemplis, quæ sunt contemnenda, quæ aestimanda. In primis, nihil in terra aestimavit, quod est terrenum; sprevit in corpore, quidquid est corporis; vilipendit in tempore, quidquid est temporis, nihil duxit inter mortales, quidquid est mortale: omnia bona terrena despexit, ut suaderet esse despicienda, & omnia mala terrena sustinuit, quæ præcipiebat sustinenda: ut neque in illis bonis quæreretur felicitas, neque in hisce malis infelicitas timeretur. Illa igitur fecit, quibus, ad sequendum Deum, invitaremur: illa pertulit, quibus, à sequendo Deo, deterrebamur. Imò passus est Christus, antequam ut pati posset, viveret. Sic enim D. Paulinus. (a) *Ab initio sacerdorum Christus in omnibus suis patitur: Ipse est enim initium, & finis, qui in lege velatur, in Evangelio revelatur: mirabilis semper, & patiens, & triumphans in sanctis suis Dominus.* In Abel occisus à fratre: in Noe irrigatus à filio, in Abraham peregrinatus, in Isaac oblatus, in Jacob famulatus, in Joseph venditus, in Moyse expositus, & fugatus, in Prophetis lapidatus, & sectus, in Apostolis, terra, marique jactatus, multis, ac variis beatorum Martyrum cruciatibus frequenter occisus.

II. Ante Christi Adventum, homines omnes in mundo, in mundum, & ea quæ sunt mundi, toto naturæ impetu inclinabant: Christus non habuit, ubi Caput suum reclinaret; mundum ingrediens, voluit nudus nasci, egrediens, nudus & mori. Homo ventissimo fastu inflatus, exaltabat se super omnia culmina terræ: Christus deprimit se usque ad pedes Judæ. Homo quilibet, inter homines ambiebat esse primus hominum. Christus, inter homines factus est op-

(a) *Epist. ad Ursum I.*

pro-

probrium hominum. Homo intemperanter expe-  
tebat dignitatis excelsissimæ decus : Christus adeo  
fecit se despicabilem , ut non esset ei species , neque  
decor. Quidquid homo diligebat , Christus odit :  
quidquid magis pendebat, Christus flocci fecit : fu-  
git, quæ ille sectabatur, abjecit , quæ ille admisit. Si  
nolis decipi mundi mendaciis , insistas , necessè est  
Christi vestigiis. Quidquid enim fecit, disciplina no-  
bis est faciendi : ipsius vita, omnibus vivendi est for-  
ma, omnis ejus actio, agendi est norma. Appositè ad  
rem nostram D. Chrysologus : (a) Christus sicut ovis,  
& volens, & racens tondetur, ut tegat illam, quam Adam pri-  
mus intulit nuditatem ; velut agnus occiditur , ut peccatum  
totius mundi immolatus absolvat , ponit pro ovibus animam  
suam , ut impleat & pietatem Pastorū , & curam. Tibi er-  
go Rex , tibi Sacerdos , tibi Pastor , tibi sacrificium, tibi ovis,  
tibi agnus , tibi totum , factus est , qui fecerat totum. Et  
qui sibi nunquam , tibi toties immutatur : propter te va-  
rias monstratur in formas , qui manet unica suæ Majestatis  
in forma.

III. Nihil Christus , per omnem vitam magis in-  
tendebat, quam gloriam Patris. Hæc si tibi exemplo  
Christi , vivendi regula , major Dei gloria. Aliud  
agere , est ultima insanía. Major enim est insanía ,  
quam si quæreres nivem ad te calefaciendum : aut  
pictor usurparet ad pingendum ferram fabri. Nihil  
est tam præter rem , tam extra propositum , tam ab-  
sonum, tibique inconveniens, quam cum studes, non  
dico tuo honori, sed & utilitati, nisi hoc ipsum cedat  
in gloriam Dei. Te perdis , si aliquid , quod non ce-  
dat in Dei honorem , quæris. Non attendas , dum

Rrr 5

ali-

(a) Serm. 23.

aliquid intendis ad voluptatem , an sit jucundum ad difficultatem , an sit molestum , ad utilitatem , au sit probosum,ad commoditatem , an sit acceptum,non attendas, displiceat, an placeat, pungat, an ungar : effera, an deprimat: sed unum tibi hoc semper propone, & à te inquire, an, quod agis, vel omittis, sit Deo honorificum, & gloriosum. Infirmitus, valetudinis recuperandæ studiosus , non rejicit potionem, quia amara est, non sumit frigidam , quia deleat, sed solem attendit , an valetudini conducat. Peregrinus dum interrogat, ne aberret, semitam, sive dirigatur ad dexteram, sive ad sinistram, sive ad Orientem, sive ad Occidentem, sive ad ascensum montis , sive ad descensum vallis, perinde est illi, dummodò illa via ducat ad viam metam : sic te geras in hac vita, ut peregrinus in via. Oportet rebus sublunaribus uti, non frui : & sic uti, prout conferunt Divinæ Gloriæ. Hic enim omnia, sunt media ad finem : non habent usum propter se. Nihil sumas, quod ad suum finem non dirigas , licet pretiosum sit, quia inutile erit, nihil relinquas, quod ad illum faciat, licet acerbum sit, quia perniciosum erit. In omnibus semper aspice Numen , & ex ejus aspergili accipies lumen in mente, vulnus in corde. Quis Numinis aspectus penetrat cum vulnere pectus.

## 15. DIES DECEMB.

Non dedignetur, quod fecit Christus, facere Christianus. S. Augustinus tract. 58. in Joan.

I. A

Christiani L.  
estimirari  
Christum.

**A** Christo mutuatus es nomen , ò Christiane ! Talem te esse prodas magis opere , quām nomine. Audi Christiane , & expende verba Salviani ; & indignum te censemus nomine Christiani : ( a ) *Magna videlicet , nobis prærogativa de nomine Christianitatis blandiri possumus ; qui ita agimus , ac vivimus ; ut hoc ipsum , quod Christianus populus esse dicimus , opprobrium Christi esse rideamus.* Nōnne multorum Christianorum vita , non tam , uti Job loquitur , est militia , quām malitia ? Nōnne illorum vita , non tam est bene agendi exemplum , quām peccandi documentum ? Tam illis invisa est Paupertas ; ac si Christus , ut eam fugeremus , jussisset præcepto. Humilitas , illis non est uota , nec defacie ; imò , & ignota de nomine : tam illis est exosa , quām ipsum odium. Mansuetudo , illis est monstrum , & prodigum ; idèò , & inter illos est ludibrium. Talibus illudit , qui paulò autè Salvianus : ( b ) *Uti est Christianitas nostra ; qui ad hoc tantummodo sacramentum salutis accipimus , ut majori poste à prævaricationis scelere peccemus ? Nos Ecclesias Dei iudicras anteponimus ; nos Altaria spernimus , & theatra honoramus : omnia derique amamus , omnia colimus ; solus nobis in comparatione omnium Deus viles est. Diuina Principis æstimantur , ut pronuntiata : decreta à Rege , habentur pro lege : Cæsaris diplomata , sunt quasi Numinis oracula. Si tanti facimus hominis , non raro sacrilegi dicta ; cur non æstimamus Dei hominis facta ?*

## II. Quid

( a ) *De gubernatione l. 3.* ( b ) *Supradictum l. 4.*

Il. Quid causæ est ; ut si quispiam Christianus futura credit, futura non timeat ? Quid causæ est, ut si credit, quæ dixit Christus; non timeat, quæ minatur Christus ? credis minanti Christo, se impios projecturum in tenebras exteriores ? cur, cùm sis filius tenebrarum, non metuis te illic projiciendum ? Si non credis verbis, quæ dixit Christus, non credas præmiis, quæ promisit Christus ? neque enim se probat promissionibus Christi credere ; qui non sic agit, ut possit ad promissa à Deo præmia pervenire. Imitari Christum; non tantum decet, quia est dignitas; sed oportet, quia est necessitas. Si Christum imitari, est gloria; non erit arduum, ferre contemptus hominum, & opprobria. Non est contemptus, ubi dignitas est contemni. Satiùs est propter Christum semel contemni ; quam omnibus hominibus semper præponi. Pudeat nos, Ethnicos plura fecisse, & graviora tulisse pro umbratili ; quam nos pro cœlesti gloria. Fuerunt olim Barbari, sui Regis tam amantes, ut quod est potius amentis; si Regi deessent ocu- li, ipsi suos eruerent oculos; si deessent manus, suas sibi ipsi abscinderent : tum demum se rati esse amantes sui Principis, si eum imitarentur vel in vito corporis. Christus, ut hoc modo eum imiteris, non jubet, imo prober. Si Christus dumtaxat, quid faciendum esset, dixisset, nec tamen quidquam illorum fecisset: tamen hoc exequi, non esset obsequium, sed debitum : quanto magis, cùm nihil suaserit faciendum, quod ipse priùs non fecerit ? Si aliquis è cœlo delapsus Propheta simpliciter afferuissest amplectendam paupertatem, non haberet, quod se purgaret, qui eam non amplectetur. Quantò magis

cùm

emb.  
ianus  
st, ut  
e mi-  
pios  
sis fi-  
lum?  
redas  
pro-  
n sic  
euire,  
igni-  
imi-  
ptus  
, ubi  
stum  
sem-  
, &  
cele-  
man-  
ocu-  
suas  
nau-  
cor-  
non  
d fa-  
illo-  
ium,  
t fa-  
uis è  
am-  
pur-  
tagis  
cùm

Decemb.

Tessera.

1005

cùm ipsa Dei sapientia, quæ ore Prophetarum locuta est, & in se perfecerit, decet nos facere?

III. An putamus otiosa fuisse Christi verba, cùm aperiens os suum in monte, dixit: (a) Beati pauperes spiritu. Si judicas illa verba produisse ex ore Veritatis, cur credis beatos esse divites? Si ais, te non credere: si te non sapere, qui præponis opes egestati, quasi non crederes veritati. Dixit eadem Veritas: Beati, qui persecutionem patiuntur propter justitiam: tu persecutionem non prosequeris amore, sed persequeris odio: atque ita tuum præfers Christi judicio. Si non esset opus pati: fuisse nobis otiosa vita Christi patientis. Anne vanè, & sine fructu voluisset Deus affligi Filium suum Unigenitum sibi tam dilectum, si nihil referret facere, quæ ipse fecit; nec opus esset nos conformes esse Imagini Filii sui? Non est Deus impius, ut sine causa gauderet tam atrociter sævire in Filium, in quo sibi semper bene complacuit: nisi nos ejus exemplo pati, sibi esset placitum. Effera feræ, & sanguinariæ belluæ sunt erga foetus pientissimæ: & quæ alios dilacerant unguibus, illos mulcent amplexibus. Quomodo Deus, qui habet viscera Misericordiæ, erit in Filium tam immisericors, ut velit eum tanta pati sine fructu patientis, aut necessitate nobis patiendi? Scelera nostra, licet maxima, & plurima, non requirebant tanta, quæ passus est tormenta, ut expiatentur; plus quam satis erat una guttula, non dico Cruoris, sed sudoris: requisivit ergo illam cruciatum atrocitatem, vitæque austерitatem, necessitas nostra imitandi Christum; & patiendi, quæ est regia via cœli. Aut Deus sævus est, & dirus: aut summè neces-

(a) Matth. §.

necessarium est nobis, humiles, afflictos & inopes es-  
se. Christum imitari, non est aliud, quam quod ipse  
aestimavit, illa aestimanda existimare: & quae despexit,  
despicere. Unde eximiē eximiūs Doct. Aug. (a) sola  
adversus omnes errores via munitissima Christus, ut idem  
ipse sit Deus, & homo: quod itur Deus, quā itur homo.  
*Si vis salvati, Christum studeas imitari.*

## 16. DIES DECEMB.

**In quo non est peccatum, ipse venit auferre pecca-  
tum. S. August. tract. 4. in epist. Joan.**

Christus pec- I.

cati maxi-  
mus osor.

**V**el suspicari in Christo um-  
bram peccati, sacrilegii est  
peccatum. Quomodo potui-  
set peccatum auferre, in quo prius fuisset auferen-  
dum? Verè igitur D. Petrus: *Qui peccatum non fecit,*  
*Qui potuisset committere peccatum, qui ardebat im-*  
*menso odio peccati?* Sciebat obstrui viam ad cœlum  
solo peccato: ut igitur aperiret viam ad vitam, debuit  
abolere culpam. Et cum tantus sit osor peccati, nul-  
lum unquam relinquit impunitum. Quia ut solerter  
D. Augustinus, (b) *Deus nec justo, nec peccatori parit,*  
*illum flagellando, ut filium; illum puniendo, ut impium.*  
Inò, adeò invisum est Deo peccatum, ut ne quidem  
possit esse alteri auctor, ut peccet: quod tamen non  
potest committere, ad bonum aliquod inde elicien-  
dum, solum potest permettere. Hinc iterum D. Au-  
gustinus: (c) *Homo, & peccator, duo nomina sunt: in ipsis*  
*quære, quid fecerit Deus: quære quid suaserit diabolus. Homo,*

à Deo

(a) *De civit. l. II. c. 2.* (b) *Contra Faust. l. 22. c. 20.*  
(c) *l. 50. Hom. 6.*

à Deo factus est : peccatum , suadente diabolo ab homine factum est. At Christus, qui non homines vitiis oppressos ; sed ipsa vitia, neque peccatores, sed peccata oderat, voluit tollere peccatum, & redimere peccatorem. Voluit tamen tam grande malum , quale est peccatum, ut vel committeret, vel omitteret, esse in potestate hominis, ac plena committendi , vel omittendi libertate. Hinc Augustinus. ( a ) Motus aversionis, quod fatemur esse peccatum ; quoniam est voluntarius, in nostra est positus potestate. Si enim times illum, oportet ut nolis : si autem nolis, non erit.

II. Nos membra Christi sumus : caveamus igitur, ne in pulcherrimo Corpore deformitatem efficiat unus artus corruptus & foedus. Quantum deveneremus sponsam formæ elegantissimæ putridus nasus, aut os immane distortum, aut genæ vermis scatentes , aut gibbus in tergore eminens. Corpus Christi non tantum est pulchrum , sed ipsa pulchritudo. Membrum Christi immortalis est , ô homo mortalis ! quanta igitur tibi habenda est cura , ut quantum patitur humana conditio , illius imiteris & immortalitatem , & incorruptionem , ne dissoues illius puritati. Si veste tritâ , pannosâ , & ad speciem ridiculâ indueres effigiem alicujus Sancti , habereris non tantum impius, sed sacrilegus. Multò est indignius, tam speciosum Christi Corpus, putido , & rancido, ac cadaveroso membro deformare : quod ipsum agis, quoties, scelus committis. Sicuti in cœlo animæ nostræ , juxta ac corpora summa nitebunt puritate , & Deum laudabunt : sic & in hac vita & animæ & corporis summa illum debemus puritate cole-

( a ) L. de l. arbit. c. 20.

colere. Geminæ illæ, ex quibus homo conflatur, hominis partes, corpus, & anima, debent conspiranti inter se fœdere pacisci, ut pariter contendant ad tuam beatitudinem puritatem; ne voluptate aliqua pelleantur, nimis indulgens parti tuæ mortali, te condernes ad mortem. Puritatem cœlestium Thronorum debet æmulari corpus tuum, ut quemadmodum in illis residet Deus, ita in tuo corpore, quod est Templum Spiritus Sancti, ut sit vas in honorem.

III. Cum Christus pro immensis suis, quibus nos cumulavit beneficiis, jure à nobis exigat cordis nostri amorem non modò sumum, sed totum, nec quidquam magis repugnat huic amori, quam peccatum: debemus plus odisse peccatum quam ipsum Tartarum, & malle per omnem æternitatem, omnibus omnium dæmonum affligi cruciatibus, quam uno momento contaminari minimo delicto, quo displiceamus Dilectio. Sed unde hauriemus tantum illum, quo peccatum horreamus, ne Deo displiceamus, amorem? Amor non alio indiget Magistro, quam seipso. Ipse sibi & Magister, & discipulus est: docet, & discit. Docet amor esse amandum: & amando discit, quomodo sit amandum. Ab amore instruimur ad amorem. Ut calleas amandi precepta, non opus est, ullos consulás, qui vanas profitentur scientias, Præceptores. Frustrè te conferas vel ad Stoam Chrysippi, vel ad porticum Zenonis, vel ad Academiam Platonis, vel ad Liceum Aristote lis, ut recipias documento amoris. Tota illorum eruditio, est vanitatis tantum professio. Sub illorum disciplina unum duntaxat disces amorem cœlestem dediscere. Juvenis quidam scientiarum cupidus,

Par-

cupidus, Parisios petiit, ingressus scholam, cùm fors  
Magister è suggestu, illa Christi explicaret verba: Di-  
liges Dominum Deum tuum ex toto corde tuo, &c. Surgens,  
abituriebat, stupentibus omnibus, & verò scilicetante  
Magistro, quid hoc rei esset; quod eadem horâ, quâ  
scholam ingressus fuerat, desereret? reposuit; Sat, in-  
quit, multa hodie didici, cùm illud, quod audivi, per-  
fecero, revertar: & inde abdidit se in Asseterium, ut  
illuc amandi acciperet magisterium:

*Solo ab Amore, Deum discere super omnia amare.*

## 17. DIES DECEMBER.

Non errabis; quando ibis ad Christum per Christum.

*S. August. d. Epicur. & Stoic. c. 8.*

Christus I. *E*rrare in via ad vitam, est strenue  
est via. *E* properare ad æternam poenam. Pere-  
grinaris in Domino; vide insistas viæ,  
quâ tendis ad Dominum. Nemo novit viam cæli, nisi,  
qui per viam illam ambulavit. Nemo ascendit ad cœ-  
lum, nisi qui descendit de cœlo, Christus Jesus: & qui  
per illam viam, quam ille monstravit, incedit. Ante-  
quam Christus ad cætus hominum descendit, via cæ-  
li incognita erat omnibus hominibus: nullus enim  
fuerat ingressus cælum, nedum progressus per viam  
cæli. Ut illic ascenderemus, ne in viâ aberraremus à  
via, debuit ad nos descendere, qui est via. Non sic  
Christus nobiscum egit, ut solent rustici: qui interro-  
gati à peregrinis de via, viam vel digito semel osten-  
dunt, aut describendo diversa, per quæ transeundum  
est, loca, & pagos; ipsi sine ulteriori cura securi domi  
manent, & quieti sedent; ne amplius, ne errant via-

Pars III.

Sss

tores,

tores, sunt solliciti. Tota Christi vita, non est aliud, quām recta ad cōlum via. Quiquid docuit p̄ceptis, confirmavit exemplis. Non opus est amplius viam investigare; ubi nobis sua reliquit, quibus insistamus, vestigia. Non tantū de via, quāe tenenda est, instruit; sed ut teneamus, p̄xit: viæ dux est, non modò p̄ceptor. Sicut tota nostra vita, non est aliud, quām via: sic totum nostrum vivere, non est aliud, quām ad metam alicujus viæ tendere. Via altera est spatioſa, quā ad mortem; altera angusta, quāe ducit ad vitam. Vide, quam viam ineas, ne pereas.

II. Quid, si ut modò certi sumus de cōlo; ita & quē non incerti fuissimus, illuc non posse nos pervenire, nisi pedibus; nec aliud deindē requireretur, nisi viam ignotam scire, & aliquis nos de ea tenenda doceret; imd, qui tanti esset comitatis, ut vellet esse in itinere comes, & dux: quis esset, qui non accingaret se ad iter, ut posset pertingere ad tam optatam metam itineris? Quod tibi est in voto, est in promptu, habes in manu: quod voxes, tenes. Ad cōlum tenditur, non corporis pedibus, sed virtutum actibus. Christum habemus, qui p̄reat, ducem: cur igitur, Christum non sequimur p̄euntem? cur non credimus viam docenti? Inter omnia, hoc est, p̄e omnibus tuum votum, pervenire ad Christum; per Christum ibis ad Christum. Non putas te erraturum, Sapientiā Dei duce? An times, ne excidas salutem, p̄eunte Salvatore? Acta Christi, nobis sunt via ad Regnum Christi. Docuit Christus viam ad cōlum, esse Humilitatem. Quis unquam inter homines, vilissimus filius terræ, sic se humiliavit, ut altissimi Dei Filius, Rex cōli? Quāe est creatura, cui

emb,  
liud,  
eptis,  
viam  
emus,  
truit;  
præ-  
n via:  
d me-  
qua  
Vide,  
exquè  
nire,  
nisi  
a do-  
ne in  
nge-  
tam  
om-  
lum  
acti-  
cut  
cut  
est,  
m;  
rra-  
idas  
obis  
am  
ter  
, ut  
cui  
se

Decemb.

Tessera.

1011

se non submisit, ejus Creator? Submisit se Angelis; dum ab uno illorum voluit confortari, cùm ipse omnium esset fortitudo: Itemque, cùm jam captus, diceret se posse ad nutum habere duodecim legiones Angelorum, ut eriperetur de manibus Judæorum; quasi ipse non posset, sine ipsis. Iterum se illis submisit, dum jam in deserto esuriens, ab illis voluit, quasi mendicus eleemosynam accipere, quo pelleret famem, precarium panem, cùm ipse potuisset lapides in panes convertere. Submisit se non modò Angelis; sed & hominibus, & quidem omnis generis, fortunæ, ordinis.

III. In primis, Matri suæ, & Josepho, illis subditus. Deinde sacrilegis Principibus, Cæsari, Herodi, Pilato: impiissimi Sacerdotibus, Annæ, & Caiaphæ: impudoratis scurris, & selefissimi totius Ju-dææ nebulonibus, ab illis vincitus, confutus, flagellatus. Cruci affixus: submisit se creaturis omnibus, permittens in se sævire frigus, æstus, ferrum, Crucem, sputa, arundinem, spinas, funes. Adhucnè aliquis superevit, vel aliquid, cui se non submisit? Nulli sunt, qui illum tetrici persequuntur odio, adeoque magis illi sint exosi, quam dæmones, ut potè, quos ipse palam in se triumphavit, dum illos dominatu suo spoliavit, & tamen tam atrocibus illis suis inimicis se voluit submittere, dum passus est se à diabolo tentari, & duci super pinnaculum templi: & tradi, cùm pateretur, potestati tenebrarum. Non est creatura, vel in terra, vel in cælo, vel in orco, ab altissima, usque ad vilissimam, ab optima, usque ad pessimam, cui se non subjecerit, ut te efferret. Nulum propè fingi potest, quod auribus non percepit

Sss 2

con-

convitum, nullum, quod corpore non excepit supplicium. Vinctus est, ut fur, consputus, ut blasphemator, percussus alapâ, ut Pontificiae Majestatis violator, derisus ut sacrilegus in Deum; flagellatus, ut malefactor; spinis redimitus, ut Regiae dignitatis affectator; ad mortem condemnatus, ut populi seductor; suspensus in patibulo, binos inter latrones, ut Princeps latronum: atque ita, ut omnium sceleratissimus, interfexus omnibus cruciatibus. Ecce hîc regissima via ad Regnum Dei, sanctissima gesta Christi. Et quod Christo non debes amoris tributum? qui se voluit, quod imitareris, tibi esse exemplum? Hoc mihi jam ratum est, & fixum; totum cor meum in te figere, & me ad normam tuæ vitæ fingere: Donec aërem cor trahet, simul trahet, simul attrahet spiritum amoris: donec venæ micabunt, simul emicabit amor: donec immortalis meus vivet animus, simul te amabo. Sine manibus, sine pedibus, sine lingua exercetur Amor: ubi cor est, ibi est copia amoris. Tuo igitur Cordi Sacro-Sancto, totum cor consecro, dico, dedico: donec in Templo magno tuo celebrem solemnitatem hujus meæ dedicationis; ubi omnia tua, erunt mea, si hîc mea sint prius tua. Eris cum Christo concors, si dederis ei cor:

*Ne fias vacors, esto cum Numine concors.*

### I8. DIES DECEMB.

Lux tua, veritas; & veritas Tu. S. August. Confes. 4.6.9.

Christus est  
veritas.

**N**on satis fuit Christo, si nobis, ne erraremus ambulando, esset Via; Voluit, ne deciperemur credendo, esse Veritas. Ve-

ritas

Decemb.

Tessera.

1013

ritas procul habitat à sensibus ; quia illi innexi sunt  
ionumeris erroribus. Si credis tantum visui , eris  
Christo invisus : si auditui, male apud eum audies :  
si odoratui, non eris Christi bonus odor : si tactui,  
audies statim ; (a) *Noli me tangere* : si gustui, non  
gustabis, quām suavis sit Dominus. Renuntia sensi-  
bus, ut percipias, verborum , quæ Veritas loquitur,  
sensa ; alias censeberis inter insensatos. Veritas, est  
cælestis planta, non floret in terris : non alitur carne,  
& sanguine ; quia caro & sanguis non revelabit tibi  
arcana Veritatis. Antequam ad nos descendit Veri-  
tas, hoc est , Redemptor generis humani ; totum  
mendacii tenebris caligabat genus humanum , veluti  
in cæco specu , aut tenebrioso antro , aut tetro spe-  
læo : ita ut nulla pateret vel rimula, per quam vel  
tenuissimus Veritatis radius posset elucere. Hinc ,  
sicut nulla Diviūæ Veritatis lucebat scintilla ; nulla  
quoque Divini amoris ardebat favilla : tandem, ut,  
dissipatâ veluti opacâ nube, Veritas ubique lucis suæ  
effunderet radios, quæ semper fuerat sursum, Veritas  
deorsum descendit ; ut homines, qui erant de deor-  
sum, quæ sursum sunt, quærerent ; quæ sursum sunt,  
saperent. Quidquid non est ad normam Christianæ  
Doctrinæ, sive Veritatis, est mendacium, fraus, vani-  
tas, error. Quantum ergo sumus obnoxii Christo ;  
cujus doctrinâ , possimus nullis obnoxii esse errori-  
bus. Omnes per Fidem credimus vera ; sed non  
omnes credimus verè.

II. Si credis vera, quæ Christus dicit ; cur mori-  
bus contradicis ? Si est verum , ( quod indubie est  
vero verius ) quod oportuerit Christum pati, ut in-

Sss 3

trä-

(a) *Joan. 20.*

traret in gloriam suam ; cur tu non modò pati nolis, sed patieadi occasiones fugis ? Si verum est , Deum providere omnia in bonum justorum ; cur tam acerbè affligeris ? cur tam amarè angeris, levibus, quos subis, laboribus ; exiguis, quas pateris, angustiis ? Si hæc quām vera , tam verè credis ; dum adversati bi eveniunt, totus lætitiis incederes. Si hīc in terris videres, delaplum è cælis, unum aliquem vel è sanctissimis Vatibus, ut Davidem ; vel ex Apostolis, ut Paulum ; vel ex Angelis, ut Gabrielem ; qui tibi certò affeveraret , & quidem ex parte Dei , esse Dei voluntatem, desiderium , addo & imperium , ut hanc, quā affligeris , æquo animo sustineres calamitatem ; quia illa cederet in magnum tuæ & gratiæ in terris , & gloriæ in cælis cumulum ; nōone hoc sufficeret ; ut illam perferres non modò cum patientia, sed lætitia ? Agnosce hīc tandem te , qui credis vera , non crede re verè . Cur non modò toleras, imò , & toto desiderio non anhelas pati ? cùm idem sit hīc pro Christo pati ; imò , & patiendo mori, ac cœlo nasci. Illud quod tibi è cœlo adferret nuntium ; Paulus, vel Angelus , non debes tam certum existimare , ac quodcunque punctum fidei : in simili enim eventu posse incertus de veritate ambigere ; an nou sit sub Angelo lucis, satanas ; aut sub pelle ovinâ, lupus ; aut spiritus malignus , qui tibi illudat : & denique , cùm possis falli tuis sensibus. Igitur , si Veritas hæc ex fide certior sit , quām si Angelus de cœlo Evangelizaret tibi ; cur minùs te debeat commovere ?

III. Nos, qui gloriamur nomine Christiano ; nihil minus facimus , quām quæ Christus. Quomodo pos-

possemus majori odio prosequi Paupertatem; quām, si Christus sub interminatione æterni exitii, nobis præcepisset odiſſe, & fugere Paupertatem? Quomodo poruiſſemus, magis aversari Humilitatem; si dixiſſet; Omnis, qui ſe humiliat, damnabitur; quām modō, cūm tamen promiſſit, eum, qui ſe humiliat, exaltandum? testimonium eſt Christi; & ſcimus nos Christiani, quia verum eſt ejus testimonium. (a) Beati, qui perſecutionem patiuntur propter iuſtitiam; quām ipſorum eſt regnum cœlorum. Nos ita perſecutionem abominamur; ac ſi dixiſſet: Miseri, qui perſecutionem patiuntur; quia ipſorum eſt domus inferorum. Dicit Christus: Beati mundo corde, &c. Quis tamen in mundo, ſtudet eſſe mundo corde? Scimus, quod Christus ſit Veritas; nec tamen plus ei credimus, quām ſi eſſet ipſa vanitatum vanitas. Si quid nobis ſuadeat mundus; nobis oraculum; Si quid ſuggerat dæmon; nobis quaſi lex eſt; tam facile illi credimus; ac ſi pro nobis fuifſet mortuus. Ita averſamur Christi conſilia, ſpernimus monita, contemniſſimus imperia; ac ſi illa effutiſſet, vel fatuus aliquis in trivio, vel hiftrio ridiculous in theatro, vel Sycophantē in foro. O Deus! hoc debeo corruptæ naturæ, quaे corpus, ut inutile pondus humi premit, unaque ſecum colligatum animum, pronum in terram vergit. Cupit quidem anima, tanquam Aquila ſupra terras, & maria, & nubes, & ſupra quidquid eſt mortale in hac vitâ mortali euiti, ac defigere oculos in contemplandâ luce Veritatis tuæ; ſed ah! catenâ carneâ corporis innodatus, retrahor ad ima; ſed, an ideò, quia non poſſum ſumere pennas, ut aquila, & tam altè

Sss 4

vol. 20

(a) Matth. 5.

volare, non potero te amare? En Christe; qui tu es  
**Dominus cæli, & terræ, totius cæli, & terræ stipatus**  
 amoribus: Tibi procumbo, quidquid hic, vel illic  
 immortalium flamarum collucet, illud totum tibi  
 repræsento; ut amoris mei suppleant defectum. Illic  
 in regione Veritatis gaudebo, videns in te uno, omne  
 verum.

*Est pro ventre merum; pro mente, & pectore verum.*

### 19. DIES DECEMBRIS.

**Dignus planè est morte, qui tibi recusat vivere.** *Ber-*  
*nard. super Cant.*

Christus I.  
 est vita.

**C**ui potius oportet vivere; quam ei,  
 cui omnia vivunt? in quo vivimus,  
 moveamur, & sumus? qui est Author  
 omnis vitæ; qui est vita vitæ nostræ, qui sibi viventi-  
 bus promittit vitam æternam? An non dignissimus  
 morte, & quidem æternâ, & in eâ pœnis sempiter-  
 nis, qui recusat ei vivere; ex quo, per quem, & in  
 quo est omnis vita? Vivere Christo; est mori mun-  
 do: mori mundo, est nihil sapere eorum, quæ sunt  
 mundi. Sicut cadaver; si induatur purpurâ, & bysso,  
 & non erigit cristas; si ab omnibus, ut Dominus om-  
 nium, prono capite honoretur; varii proceres, eum  
 ut Regem omni prosequantur cultu, non inflatur fa-  
 stu: si illi apponantur selectissima fercula, suavissi-  
 ma bellaria, generosum massicum; nullum prodit  
 famis indicium, edendi desiderium: omnia ei, quæ  
 expetunt omnes, offerantur; ita se gerit, ac si nihil  
 offerres; caret omni motu, & sensu. Si talem te  
 exhibeas circa bona mundi; mortuus es mundo: &

sic

sic mori mundo, est vivere Christo. Potestnè fingi  
beator vita; quam ejus, qui potest verè sine fuso di-  
cere cum Paulo: Vivo ego, jam non ego; vivit vero in me  
Christus?

II. Quid jucundiùs; quam vivere ei, qui immen-  
sitatis sua círculo infinito continet omnem beatita-  
tem? cuius Potentiae, nihil est arduum; sapientiae, ni-  
hil obscurum; Majestati, nihil non subditum; Feli-  
citati, nullum non gaudium illigatum. Cujus tota  
vita in amoribus Divinis decurrat; ita ut ipsum ejus  
vivere, nihil sit, nisi Christum diligere. Ut ipse  
qua trahit, auræ, sint anhelitus amoris: ut omnes  
cordis reciprocationes, omnes arteriarum pulsus,  
omnes discursus spirituum, Christo dedicentur,  
tamquam nobiles impetus amoris: ut Christo cor  
se agitat, ei pulmo respiret; ei jecur sanguinem co-  
quat; ei sanguis in venas diffluat; ei venæ micent;  
ei ossa durentur, ei nervi se tendant; ei spiritus dis-  
currunt; ei calor vitalis æfluat; ei medullæ pingue-  
cant: Christo denique soli nutriatur, vegetetur,  
crescat, seutiat, cogitet, velit, vivat, moriatur. Ut vi-  
vas Christo, debes sic aspirare ad ejus amorem, sicut  
corpus affiduè ducit anhelitum, auramque trahit.  
Nam si corpus affluxu aëris; anima vivit influxu  
Amoris. Tametsi, ut amor erga summum Bonum sit  
& ipse summus, debet cum aliquo discrimine æmu-  
lari anhelitum corporis: corpus aërem, quem ad  
se attraxit, mox velut inutilem rejicit; & pulmonem  
respirandi officinam, perpetuâ vicissitudine clau-  
dens, referansque, quantum auræ haust, tantum-  
dem remittit. Non cadat hoc in animum tuum; ut  
Christi amorem, quem semel admisit, remittat; nam

Sss 5

quo

quo momento hoc faceret, à morte occuparetur; unica enim animi vita, est Christum amare. Amoris in corde corruptio, est mortis in Anima generatio; illo fugiente, hæc accedit.

III. Imitare Davidem dicentem: (a) *Os meum aperui, & attraxi spiritum*, nec de illo remisso verbum adjungit. Sic cor tuum attrahat spiritum Amoris Divini; nec unquam illum remittat. Amor, tanquam spiraculum vitæ est; quod Deus homini à se formato de limo terræ spiravit in faciem; & reddi non potest, quin mors sequatur. Amor, est tanquam Spiritus sanctus; imò, est ipse Spiritus sanctus, quem Christus insufflando, Apostolis dedit: & utique voluit, ut repulsus ad se rediret. *Anima igitur Christum, non respirando; sed continentि tractu spirando Amorem.* Amor ejus in corde tuo exundet, atque extuet tanquam mare; sed non, ut tanquam mare refluat, & retrò vertat. Motus perpetuus, cuius inventio adhuc humana ingenia fatigat; in Amore tuo erga Christum emineat. Ignis amoris tui in Christo amando accensus nunquam dicat, Sufficit. Non sit Amor tuus, ut Sol; qui ad arduam septentrionis plagam enixus, cursum convertit, & iter versus depressum mundi polum relegit. Nullum sit amoris tui solstitium, nulla conversio; ascendat semper, sine standi mora, sine damno relapsus, symbolumque suum habeat, Plus ultrà. Modus amandi Christum, sit sine modo. Et quomodo, ô Christe! amor meus, Divinitatem tuam ingressus, posset habere limites, cùm ad nullum appellere terminum possit: in immenso igitur perfectionum tuarum campo se perdit;

&amp;

(a) *Psal. 118.*

& metā destitutus non sistit nec resilit ; sed demum finitus, in spatio infinito evanescit : & quo vergat, delicit. Non offendit in Te terminum, unde se reflext ; sed nec veritatem aliquam, per quam à rectitudine ardoris sui iufractus feratur. Solis radius illensus aëri, quanquam per illum se penetrat ; quia tamen à puro æthere intensus elementum incidit , à recto suo tramite aliquantum inclinatus desciscit. At amor meus, per simplicissimam naturam tuam progressus, omnesque perfectiones infinitas offendens ; nullam causam nanciscitur , ob quam fieri mæ suæ in Te amando lapsum etiam modicè inclinet. Itaque modus, & motus amoris mei sit unica tua voluntas : solumque velim, quod tu ames ; solum amem, quod tu velis.

*Quod cupis, ipse volo ; quod non cupis, hoc quoque nolo.*

## 20. DIES DECEMB.

Illa est vita hominum, ubi est lumen verum, quod illuminat omnem hominem. S. Augustinus annotat.  
in Job c. 10.

Christus, est

I.

**S**ic se habet Deus erga genus humani, & Christum : sicut oculus erga objecum suum , quod est , colores , & lux ; sine luce omnes colores sunt inaspectabiles. Tollatur fons omnis lucis , Sol , & hortis venustas, nemoribus viror, campis amoenitas, palatiis splendor , mundo sua forma periit. Lux gemmis, lux floribus pulchritudinem præstat : à luce smaragdus, & amaranthus virent ; adamas, & narcissus albent ; hyacinthus, & crocus flavescent ; pyropus, & rosa purpurascent. Sic Christus, lux mundi, facit,

ut

ut Deus respiciat homines a spectabiles jam, & acceptos illi ; qui pridem in tenebris, & umbra mortis jacabant. Lumen est primum, & maximè visibile : per illud, reliqua videntur ; & solum videntur, quia illud participant : nam cum luce, aut in luce, aut per lucem colores videntur ; in colore, lux ; cum oculo, lux : per medium aërem, lux est. Ita Christus est, quod oculis Divinis primum, & maximè visibile est : ceteri homines solum, quia participant Christum, per ipsum, cum ipso, & in ipso videntur : ipse nos reddit aptos, & dignos ejus oculis. Tota gloria, & gratia colorum, lux est, lucis beneficium est : tota gloria, honor, & gratia hominum, Christus est, Christi beneficium est. Noctu, res pretiosissimæ, quia non videntur, nullius videntur esse pretii : perinde sunt, ac si non essent. Ita sine Christo, castitati nitor, fortitudini decus, Modestiae gratia, Prudentiae fulgor, Pietati meritum, Spei præmium, fidei utilitas occupavit.

II. Sine luce, pulchra, & deformia, æ qualia sunt : sine gratia Christi, perinde est acre, & subtile ingenium, ac bardum, & hebes. Reliquæ naturæ, artis, diligentiae dotes, tantundem sunt, ac si nihil essent. Lux, anima est colorum : sine qua illi non magis, quam umbræ resplendent. Et Christus anima est virtutum ; sine qua illæ ut Larvæ mortuales pallent. Christi gratia, omnibus animi dotibus venustatem accersit : ab ea speculum accipit Prudentia ; libram Justitia ; columnam fortitudo ; frænum, & mensuram Temperantia. Cœlum, & Sol beneficus est per lucem duntaxat, per quam omnia operatur : Sic Deus, solum per Christum beneficia sua largitur.

Cœlum

Cælum non admittit aliam qualitatem simplicem ex nostris, niſi lucem: ita neque in cælum ascendet homo; niſi in quem Christus splendeat: neque oratio bene admittetur, in qua Christus non sonet. Inter humanas opes, nihil pretiosius gemmis habetur: gemmarum autem pretium, & taxationem, lux, & splendor auger: tanto quæque pluris æstimatur, quanto plus fulget. Inde gemmarum primas Carbunculus, quia cæteris claritate prænit; & earum luci, sua luce obscuritatem adfert, maximi est pretii. Inter res omnes conditas, illæ sunt pretiosissimæ, quæ rationis, & intelligentiæ sunt capaces: harum porrò valorem, amor in Christum auger. Quod magis Christum amat, eò pluris à Deo æstimatur. Sol, inter planetas; oculus, inter lens, regnum obtinent: quia ille lucis est parens; iste, lucis hospitium. Et cor, inter membra principatum gerit, quia Amoris est regio, imd regia: sed veluti Sol, quo formosior est, cum pure luce nitet, ed est horridior, cum subeunte lunâ defensionem patitur. Ita cor, quod luculentior ejus est species, cum amore Christi illustratur; ed turpius squallet, cum infusis peccatorum umbris, Amori eclipsin accersit.

III. Quid adhuc humana gaudia, tanquam nocturna sidera fulgore exili, & ad diem invehendum nihil profecturo, cordi meo irradiant? Quid aspicio in nocte mundi istius, hæc bona mortalia, quæ tenui hinc inde luce conspersa scintillant tanquam obte-nebrati cæli imagines, quas aurea quædam stellarum, umbris interludentium, puncta insigniunt, ad quorum tamen emicantem fulgorem, mundus diem admittit? Quid, me Andromeda aliqua, aut Cassiopea,

in

in observando oculorum suorum sidere fixum , immotumque detinet ? Quid , me alicujus Berenices coma illaqueat , Quid , me corona honoris , fulgore suo percellit ? Quid me voluptatis Lyra tam blandè demulceret ? Quid me auratus divitiarum Aries , suâ luce perstringit ? Quid hæreo in Pegaso humanæ eruditionis ? Ah junge currum Sol justitiae Christe , Sol meus ! indue rutilantes crines ; diffunde radios , & flammatibus rotis invehere in cælum cordis mei : omnesque illas , quas enumeravi , exiguae sanè lucis guttas , exuberantis fulgoris tui mundatione absorbe . Tum etiam cæteros affectus ; qui tanquam planetæ , vago , errantique cursu , in animo meo lucebant , tuâ claritate extingue : & effuga à me Saturni pigritiam , Jovis superbiam , Martis iracundiam , Mercurii fallaciam , Veneris lasciviam , Lunæ levitatem . Exorere , ô Sol meus , supra horizontem cordis mei , & terrificas timoris mei umbras expelle ! Quid sunt stellæ , sine luce ; nisi informes globi ? quid sunt virtutes , sine gratiæ tuæ lumine ; nisi deformia vitia ? Damhi amore tui lucere , & ardere , ô amor meus ! ô ardor meus ! ô lux mea ! ô Deus meus !

*Luc decorat flores , sic Christi Gratia mores .*

## 21. DIES DECEMB.

Eamus & nos ; & moriamur cum illo . *Joan. II.*

Laus S. Thomæ.

I. **P**ræmittimus Christo volenter pro nobis nasci , Thomam volentem pro Christo mori . Hæc pauca impavidi Thomæ verba ; quemcunque etiam infantem , redderent verbosissimum

O. a.

Oratorem, si quæ in recessu abdita latent, penetremus: *Moriamur cum illo?* Quàm multa, quàm paucis! sed Thoma, fortassè magnificentiùs, quàm verius illa jactas? forsan te fugit, quid sit è vita fugere? ignoras, quid sit mori? Mors terribilium omnium est terribilissimum. *Moriamur?* Nihil coram illo potest esse terribile, qui terret ipsum Terrorem. Sed memineris, multos toto contremuisse corpore; toto exhorruisse animo, adituros vel pericula mortis, quid obituros mortem? Hæc dicas militibus, qui nihil secum defenuerunt in bellum, præter animum imbellem? scias te alloqui Thomam, hoc est, militem Christi, sub cuius signis stipendium facere, est pericula, ut eveniant, cum voto expetere; cùm evenerint, sine metu excipere. Quid, si lictor securi te feriat? feriat lictor, perficeret Thomas, etiam tunc securissimus, dum subjiciam cervicem securi? Quid, si lævus carnifex lento supplicio te torqueat in equuleo? vel sic ligatis pedibus currām per stadium, ut appreheudam bravium? Quid, si Tyrannus, omnem ex omnibus venis, inustatā carnificinā extorqueat sanguinem? quâ datâ portâ ruat ex omnibus ejus poris copiosè sanguis. Tali sequitur de vulnera vita. Potius miserabilis est, qui sic cædit, quàm qui sic cadit.

II. Quid, si bustuarius aliquis gladiator, aut sanguinarius lanista totum corpus subjiciat flammis? Dum minaris flamas, jam totum, ut totus torreat, it pectus in flamas. Unus mihi est ardor, pro Christo ardere. Non tam cupidè se volutavit vel Heliogabulus in rosis, vel Sardanapalus in plumis; quàm ego pro Christo in flammis. Hæc pio percitus æstro Thomas pro Christo, tum conversus ad socios, illis classicum cane-

canere : Agite, inquit, Commilitones; ad eam deducet sumus necessitatem, ut nos jam oporteat prodere nostram, vel cum formidine ignaviam, vel cum audacia constantiam. Jam nolle sequi Christum, inexpiabile erit probrum. Quid timemus coram illo, quem timent omnia timenda ? quid nos terret periculum ! quasi verò tunc futuri simus à periculis eximi, quando ab eo erimus remoti ; sine quo nec ipsa secura est securitas. Affe standum esset cum illo moriendi periculum, & ultrò oblatum fugiemus ? Certum cum illo habemus morituri solatum ; habebimus mortui præmium. Ambirent alii, quod nos imbelles metuimus. Præ ipsa optandum est vita, mori vel coram illo : quid pro illo ? Imò nihil in tota vita est miseriū ipsâ vitâ, si Christo mortuo vivamus. An forsitan interpretamini miseriam, desinere esse miserum ? quid dicet tota posteritas; dum intelliget Christum, quos sibi elegerat in vita discipulos, non habuisse in morte socios ?

III. Vos meticulosi, per me licet, fugite ? insequetur fugientes perfidia, infamia ; & quæ illius est comes, pœnitentia. Stabo ego, & sine metu perstabo in gradu, non priùs stationem deserturus, quam me vita deserat. Cum illo ero, non tantum contra pericula audax ; sed inter pericula læcus. Itaque, vel ab illo vivus stabo, vel pro illo mortuus cadam. Quid dico ? vivet etiam post mortem Thomas:modò Thomâ mortuo , vivat Christus. Ubi uunc est vox tua Petre ; quam nunquam locutus es de Christo verius, pro Christo fortius ? ( a ) Tu es Christus, Filius Dei vivi. Si Filius Dei , igitur Auctor vitæ ; igitur & vitæ nostræ

( a ) Matth. 16.

nostræ Dominus : si Dominus ; nos pro illo mori non tantum decet , sed oportet. Quare , vel refugere pro illo vitæ amittendæ subire discrimen , summum est crimen. Imò scelus est , vel dubitasse ; an cum illo velimus mori ; quid nolle mori ? vos ; si lubet , quod non licet , capescite fugam ; mihi certum est , pro illo oppignorare vitam. Mori pro Christo , est nasci cœlo. Talis mors digna est , quæ non deploretur , quasi luquosa epicediis ; sed celebretur , quasi gloriæ epiniciis. Hæc Thomas coram Christo , & pro Christo ; vir in causa Christi promptus , nihil non audere. Sic loqui , non est hominis fortis ; sed ipsius fortitudinis. Nos , dum expectamus Christum nascitum ; ardore simili , verba proferamus dissimilia. Eamus , & nos , & nascamur cum illo ? Eamus , non cum Apostolis in Jerusalem ; sed cum Pastoribus in Bethlehem , & tanquam modò geniti infantes nascamur cum illo. Moriamur mundo , innascamur Christo , ut æternum vivamus Deo.

*Ex te Christe satus , fœlici est sidere natus.*

## 22. DIES DECEMBER.

Nemo tibi Christum potest auferre ; nisi te illi auferas. *Ambrosius super Luc. l. 5.*

Suspiria ad Christi adventum. I. **N**uno Christo , nos habere omnia ; salus est omnium , nisi talvari nclementum. Sed & hæc est summa nostra fœlicitas , non modò Christum nobis esse bonum ; sed nec illud posse à quoquam , unquam aut usquam auferri ; nisi nos ipsi auferamus. Nemo enim Christum amittit ; nisi qui à se de-

Pars III.

Ttt

mit.

mittit. Jam natura humana expectatione tam diuturna tot sacerdorum suspensa , & cupida , videre Dilectum, exclamabat, non sine immenso gemitu cordis : ( a ) *Quis mihi det, ut inveniam te foris, & deosculeret?* quali diceret : non ego te quæro, Dilecte mi, prout intus es in sinu Patris, quia sic lucem habitas inaccessibilem ; & non est, qui poterit ad illam accedere. Exi à Patre, & veni in mundum , ut inveniant te homines foris. Non te quæro in cœlis, ubi jugiter videbris ab iis, qui intus sunt, Angelis. Magis autem clame; ( b ) *Rorate cœli desuper ; & nubes pluant justum.* Non quæro, ut in forma mihi appareas Angelica ; quia te ipsum requiro Dominum, & caput Angelorum. Te requiro, de quo Pater, introducens. ( c ) *Primogenitum in orbem terra, dixit : Et adorent eum omnes Angeli.* Non te requiro in typis, & figuris, in sacrificiis veteris legis ; umbram enim habuit lex futurorum bonorum, non ipsam substantiam.

II. Non in scripturis Divinitus inspiratis Te quæro : Hæ siquidem, non ipsum Te ? sed testimonium perhibent de Te , tuique ingerunt memoriam, & excitant desiderium. Non in creaturis sive rationalibus, sive irrationalibus Te quæro : ille enim Imaginem & similitudinem tui ; hæ solùm repræsentant vestigium. At ego non aliquid tuum , quale id cunque tandem sit ; sed Te , ô Dilecte votorum meorum te ipsum requiro ! Hoc scilicet opto, hoc flagito ; ut Te Verbum vitæ , quod fuit ab initio apud Patrem , carne indutum , videant oculi mei , manus contractent , brachia amplexentur , labia deosculentur, lingua alloquatur ; & quanta, quanta sum

( a ) *Cant. 8.* ( b ) *Isa. 45.* ( c ) *Heb. 1.*

sum, tota tibi indissolubiliter conjungar, & vincar :  
 Tibi dixit cor meum, ò Deus cordis mei ! (a) exquisi-  
 sivit Te facies mea ; faciem tuam, Domine requiram.  
 Ardentia hæc sponsæ desideria ; & nos quoque pera-  
 ga jam tot sæculis Christi Incarnatione concipere  
 poterimus eo tempore, quo Ecclesia expectat, qua-  
 si venturum in carne Messiam. Suaviter hic Bernar-  
 dus : (b) Dignum est, Fratres, ut totâ devotione, Domini  
 celebremus Adventum ; delectati, tantâ consolatione,  
 stupefacti, tantâ dignatione ; inflammati tantâ dilectio-  
 ne. Non invenitur Christus inter carnis delicias, sed  
 prætepi paleas ; non inter lolia, sed lilia, Mariam, &  
 Josephum ; non inductus purpurâ, & bysso ; sed invo-  
 latus pannis.

III. O Jesu ! nunquam satis amate, nunquam  
 satis amande, transilias licet colles, & salias in mon-  
 tibus, similis capreæ, hinnuloque cervorum, seque-  
 tur te pernicibus alis Amor meus. Quæ loca pene-  
 tres, quâ caligine te abdas, ut me in penetralia, & cu-  
 bilia tua Amor non ferat ? In sole metaris tentorium  
 tuum ? Ecce ibi amo te Solem Justitiæ ; cuius pul-  
 chritudinem sol, & luna mirantur. Inter sidera Te  
 collocas ? Ecce ibi amo Magnificentiam tuam, quæ  
 tam illustre mundo theatrum adornavit. Ultra stel-  
 las Te evehis, & in mediis beatarum mentium cho-  
 ris resides ? Ecce ibi amo Munificentiam tuam, quæ  
 tam inexplicabiles delicias mihi apperuit. In terram  
 te condis ? Ecce ibi amo immobilem Æternitatem  
 tuam ; cuius memoriam, stabilitas terreni glo-  
 bimihi excitat. In montes Te recludis ? Ecce ibi  
 amo divitias tuas ; quarum umbratile vestigium  
 sunt illa metalla, quorum cupiditate insanientes mor-

(a) Ps. 26. (b) Ser. 4. de Adv.

Ttt 2 tales.

Tales, montium sinus eviscerant. In memoria, & hor-  
tos prodidit. Ecce ibi amo amabilitatem tuam, quam  
mihi frondosa silvarum, herbida camporum, horto-  
rum florida amoenitas, velut in imagine cognoscen-  
dam objicit. Oceano, & flutibus innatas? Ecce ibi  
amo Potentiam tuam, quæ undis litora circumfundit,  
& usque eo minaces procellas cogit elisas retrò spu-  
mescere. In aërein Te diffundis? Ecce ibi amo sapi-  
entiam tuam; quæ nubes, & ventos, & pluvias, & to-  
nitrua, & fulgura, & rores, & nebulas, & irides, in-  
cognito humanis mentibus artificio excogitavit. In-  
volvis te fœno, & paleis in stabulo? Ibi demum, te  
totum toto corde amo; illic enim mihi, quam alibi  
usquam amabiliores, quia pro me vilior. Eris hono-  
rabilior in humilitate Bethlehem, quam Salomon  
cum omni gloria sua in Jerusalem. Plus te admira-  
bor inter stipulas fœni, quam inter stellas cœli. Plus  
me tibi obligabis, & fortius me tibi ligabis; tuis  
quibus involutus es pannis; quam si me locupleta-  
res omnibus totius mundi thesauris.

*Est, quod Christe jaces, fætum, in terris mihi cælum.*

### 23. DIES DECEMBRIS.

Venit de cœlo magnus Medicus, quia per totum ubi-  
que jacebat ægrotus. S. August. sup. Joan.

Christus I  
Medicus.

**A**nte Christi è cœlis descensum, quid  
erat mundus, nisi ut probatica illa  
piscina; in qua jacebat multitudo mag-  
na languentium, cœcorum, claudorum, aridorum; quia  
necdum venerat ille, per quem cœci vident, claudi  
ambulant. Et quia Filius Dei necdum fuerat homo  
factus;

factus; quilibet homo poterat dicere, quod infirmus ille, (a) Hominem non habeo; cui, videlicet, sit illa potestas tollendæ infirmitatis. Itaque in toto genere humano, (b) à planta pedis, usque ad verticem capitis, non erat sanitas: opus ergò fuit; ut descenderet in piticinam, non Angelus; sed Deus homo, qui est charitas. Jam evoluta erant ultrà quadraginta sæcula, & necdum Medicus. Tamen diffluebant liquidissimis gaudiis, suscipiendi illi Patriarchæ, & Prophetæ, vel ob promissum tantum Medicum, ejusque Adventum ardentissimis desideriis expetebant, & cum clamore valido, atque ejulatu multo cœlum noctes, diesque pulsabant; optantes rumpi cœlum, aperiri nubes; ut tandem veniret, & infirmis subveniret. Utinam tantum esset post ejus Adventum nobis gaudium; quantum illis, ad ejus Adventum fuit desiderium. Age Anime! compone hominem ex maximorum Heroum dotibus, totum ex miraculis conflatum; in quo uno esset sapientia Salomonis, fortitudo Sampsonis, Pulchritudo Absolonis, fides Jonathæ, Castitas Josephi, Mansuetudo Davidis, & quæcumque alia, vel naturæ, vel gratiæ decora. Quis non anhelaret, ad illius conspectum? quis non ambiret illius uti commercio, & si posset, frui contubernio?

II. Agnosce homo tuam dignitatem, æstima fœlicitatem. Venit tandem tam diu; ut veniret desideratus, à tam multis tam multum expectatus, ab omnibus tot sæculis exoptatus: nec tantum venit in mundum, sed ad te in mundo, imò in te. Quis ille? Cui efformando, tota se Dei Potentia, Sapientia, Bonitas impendit: sic ut illustrius opus nullum,

T t t 3

ne-

(a) Joan. 5. 3. (b) Isa. 1. 6.

que Potestas ejus exequi infinita , neque perfectius  
 Potentia excogitare, aut Amor aeternus velle possit.  
 Deinde Pater ejus abjecit ad illius pedes omnes to-  
 tius universi res a se procreatissimò submisit illi om-  
 nes suas perfectiones in omni genere infinitas , per-  
 mittendo arbitrio ipsius sanctissimæ Humanitatis ,  
 Omnipotentiam ad patranda miracula qualiacunque ,  
 & quotiescunque liberet : Bonitatem ac Mitericor-  
 diam , ad condonanda peccata : Sapientiam , ad judi-  
 candum. Cum hoc homine Deo potest tibi esse con-  
 tinuum commercium: Miser ergo , & miserabilis ,  
 quisquis es , carum adeò aliquid esse potest ; ut praे  
 Jesu , illud aestimare , ipsivè denegare audeas? Cœle-  
 stis Pater , nihil ei negat ; tu illi nihil non negas ; dedit  
 illi totum suum Regnum ; tu illi ne cor quidem : de-  
 dit illi omnem suam gloriam , magnitudinem , Ma-  
 jestatem , thronum , & Omnipotentiam suam , cum  
 ipso communicando. Nihil omnino fuit , quod pluris ,  
 quam Jesum faceret : ipsum elegit Principem Pra-  
 destinatorum : ejus amore , & reverentiâ mundo alias  
 perituro pepertit. Jesus , primogenitus est omnis  
 creaturæ ; cuius causâ , & in gloriam , cuius Pater facit  
 omnia ; nihilque negat , quod in Jesu nomine petitur.  
 Quoniam itaque modo cor illi suum dare renuet lu-  
 teus homuncio .

III. O ingrata anima , quæ nunc eo frueris , quem  
 Sancti Patres inflammantissimis studiis concupisce-  
 bant , eminèisque venientem amicissimè consaluta-  
 bant ! quomodo non præ magnitudine gaudii rum-  
 puntur tibi omnes venæ ; præ amore totus , quantus  
 es dissolvi ? Christus jam tibi natus est ; tibi passus  
 est ; tibi flevit in præsepio ; tibi mortuus est in pati-  
 bulo .

bulo. Tuis, tu, oculis usurasti, tuisque tantum non  
 manibus palpasti ; admirabilia inventa nimiae illius  
 Charitatis, nullies experta es, dum penitissimas me-  
 dullas tuas, & intimum cor tuum, ad illud in amo-  
 rem mutuum sollicitandum subiit ; & perlibenter,  
 ipissima mundi pulchritudo. Patris Imago perfe-  
 cissima, gaudium Seraphinorum, & voluptas An-  
 gelorum omnium. Amabo vos, ô venerandi Patres,  
 ac Patriarchæ ! nunquid intueri optastis Justum Ju-  
 storum ? Ego, qui peccatorum primus sum ; sæpè  
 sapientius tenui illum in corde meo ; attigi illum labiis  
 meis, & dedi illi osculum pacis. Quem videre vo-  
 luistis ? an desideratum cunctis gentibus ? Illo ego  
 jam beatus sum, illo potior, illum suavissime ample-  
 tor. Quem videre voluistis ? nonne desiderium col-  
 lium æternorum, & excelsissimorum Seraphim ? Vi-  
 di ego illum abjectum, & humiliatum mei causâ  
 usque ad opprobrium crucis ; vidi genua flectentem,  
 & advolutum pedibus vilium hominum, ipsiusque  
 Proditoris Judæ. Quem videre voluistis ? specio-  
 sumne præ filiis hominum ? Mecum illum habeo, co-  
 medique non solum cum illo ; sed ipsummet, ac gu-  
 stavi suavitatem ejus, favumque libavi, & panem An-  
 gelorum. Qui sit igitur, quod bona mea tam parum  
 norim ? quod non magis exultem, ac triumphem ?  
 quin gaudio exuberante dirumpitur pectus meum ?  
 dum eo potior, illum possideo, arctisque stringo  
 complexibus ; (a) quem multi adest Propheta, & Re-  
 ges videre voluerunt, & non viderunt ? Et hæc omnia,  
 ô ingrata anima, acceperisti citrâ tua monera ! potes  
 laudare beneficia, & debes amare Benefactorem ?

Tunc 4

non

(a) Matth. 13. 17.

non tamen te laudes ; quia tibi benefecit. Quia,  
*Qui sese laudat, Christi se munere fraudat.*

## 24. DIES DECEMB.

Quantum fecit Deus ; ex his, quae pro te factus est,  
 agnosce. Bern. serm. 1. de Epiph.

*Iter in Beth-*

I.

**S**i dubites, ô homo, quanti te  
 leem. Deus fecit ! vide, quid Dei Fi-  
 lius pro te sit factus ? An novem  
 mensibus, in utero Matris pro te homo factus, cras  
 item pro te apparebit homo natus. Tandem aliquan-  
 do post diuturnam tot annorum, lustrorum, Olympi-  
 adum, saeculorum expectationem ; post tot captivo-  
 rum è limbo ejulatus ; Patriarcharum suspiria ; Pro-  
 phetarum varicinia, cœli clamores : terræ gemitus ;  
 adest nobis, singulari Dei Præpotentis beneficio dies  
 ille expectatissimus, antiquæ legis ultimus, novæ pri-  
 mus ; dies ad quem aspirantes, jam tot annis, & men-  
 sibus ; tot diebus, ac noctibus, irrequieto, ac indefesso  
 studio, & labore gemimus. Adebat dies plenitudinis  
 temporis, ad quem quasi ad horæ unius integritatem,  
 & complementum, singula momenta in dextram, simi-  
 straque partem, per singulos gradus jactabantur ; ad  
 quem ; quasi ad centrum mundani horologii ponde-  
 ra indefatigabili motu ferebantur. Et Sol ipse die-  
 rum, atque annorum parens, eosdem cursus iterum,  
 iterumque repetebat : si forte tandem aliquando ma-  
 jorem illum solem aspiceret, qui tempora novit &  
 momenta, eaque habet in sua potestate. Circè quem,  
 quasi cardinem versantur omnes dies saeculi, & qui  
 eum præcesserunt, & qui deinceps secuti sunt, & qui  
 porrò orientur, & occident in omnes annos conse-  
 quen-

Decemb.

Zeffera.

1033

quentes. Est dies mundi criticus, atque decretorius : Mundi jam penè animam agentis, ut ab Auctore suo reperetur ; & statum meliorem, atque adeò florentissimum restauretur.

II. Imò, dies placabilis Domini : quo cogitans cogitationes pacis, & non afflictionis ; mundum tacitis clamoribus invocantem, Sanctos omnes dico ; in primisque B. Virginem, cum universitate creaturarum exaudivit. O quanta h̄ic mysteria ! Deum fieri hominem; nasci ex Virgine, in stabulo; jacere in præsepio; involvi pannis; fugere ubera. Ut immenta hæc cælorum, terrarumque moles è nihilo produceretur ; eumquo acquireret statum, quem cernimus, meritò admiramur. Ut decem mundorum millia huic paria, aut etiam majora, & præstantiora procreentur ; quid opus tunc fuit, aut necessarium foret, præter nudum, ac simplicem consensum Divinæ Voluntatis? At efficeri; ut tantus, tamque potens Artifex, sit verus Deus, & Homo: ut Virgo, sit Mater; & Mater, sit Virgo: ut, qui ab æterno est genitus, verè gignatur in tempore : ut is, qui tantâ simplicitate est; ut ejus essentia, existentia, subsistentia, substantia, natura unum sint ; sit verè compositus ex duabus naturis in una numero persona, conjunctis: rursus; ut una mulier fiat eodem momento, Dei Filia, Sponsa, Paren̄s : id denū opus magnum ; ipsis quoque cælitibus admirabile, ac planè Divinum est. O Virgo inclyta ! quæ jam cum tuo Sponso occupas Bethleem suburbia , ut potè partui proxima, speciosa facta es, & suavis in deliciis tuis; ex quo gaudium Angelorum, & delicias humani generis possidere incepisti: quām glorioſa dīta sunt de te, civitas Dei! ex quā homo, & homo; sed Homo-Deus;

Ttt 5

homo

homo Redemptor, & homo redemptus ; homo vi-  
sus, & homo captivus, receptus est in te.

III. Sed & tu Anima comitare Virginem , quam  
cum sacro partu euntem comitantur plus quam duo.  
decim legiones Angelorum. Nam tibi jam inculco  
illud Paulinum ; ut, quæ sursum sunt, quæras ; sed non  
quæ super terram. Nam cæli Dominus inclinavit cæ-  
los, & descendit ad terras ; ut quærat ubi, qui est caput  
nostrum, caput suum reclinet. Age igitur, ab ætheris  
palatio, ad paupertinam casam ; à stellis, ad paleas ; à lu-  
nâ, ad Virginem, quæ est pulchra, ut lunæ ; ab Angelis,  
ad jumenta ; à Divinâ Numinis tui formâ, ad huma-  
nam Christi speciem delabere. Age ! collige Bethle-  
miticæ specus paleas ; super quas, ô qualis ! ô quam ra-  
dians ! ô quam flammans carbunculus jacet ! jam tota  
 spelunca, ut olim Sinai montis vertex, ardet ; & ex  
 mediis flammis, leges Amoris dicitat , Deus Amoris.  
 Infans nudus, & inermis exarmabit illic potestates te-  
 nebrarum. Ille parvus, immensi Amoris Deus , vix  
 natus infans ; non manus quæ fasciis ligantur, sed ocu-  
 los suos expedit ad corda omnium hominum vulne-  
 randa. Ab arcu superciliorum suorum, radiantis lu-  
 minis tela passim evibrat. Nec mirum , aspicio  
 vulnerat, & videri, est tangi. Tela eius, ipsi oculorum  
 sunt radii. Quid igitur mirum ? si ferit, cum videt ;  
 cum ferire, sit videre ? Tua, ô Christe, Pulchritudo !  
 tua est contra me Fortitudo. Tuâ facie nihil non fa-  
 cis, dum eâ, in omnibus accendis faces. Es toto iner-  
 mis corpore, & tamen, vel sic me toto lædis pectori.  
 Vel unicum tuum ad me verbum, est mihi pro corde  
 amoris telum.

*Via magna est herbis ; Christi sed maxima verbis.*

25. DIES

## 25. DIES DECEMB.

Christus solus sic potuit nasci , ut ei opus non esset  
renasci , August. Enchrid. c. 48.

Christi Na- I. Ascere tandem aliquando post  
nivitas , est om- tot sa culorum luctum , atque  
niuum felicitas. N squallorem , ô parve Deus ! ô  
magne puer ! tam impatienter expectate , quām ve-  
hementer expetite . Nascere ; nunc enim ingemiscit  
omnis creatura . Princeps tenebrarum , per univer-  
sum mundum cæcā eorum caligine circumseptum ,  
impunè debacchatur : Omnis jam mundo proscripta  
est Pietas , extermidata Religio , prostrata Virtus ; nul-  
lus Tui est cultus ; nullus Patris est merus , nulla lex ,  
nullum jus , nullus ordo ; confusa omnia , sacra , profa-  
na , humana , Divina . Nascere ergo ; Tu ipse testatus  
est , ore Sapientis , cùm dixisses : (a) *Omnia tempus ha-*  
*bent . Tempus , inquit , (b) nascendi . Nascere , expectat*  
Te cælum , ut tuā illustretur gloriā ; terra , ut tuā frua-  
tur clementiā ; Angeli , ut restauretur illorum ruinas ;  
homines , ut per te consequantur salutem : expectant  
Te omnes miseri , ut tuam experiantur Misericor-  
diam . (c) *Tempus nascendi . Nascere : jam enim nox præces-*  
*fit ; dies autem appropinquavit . Exspectat Te Mater tua :*  
ut te osculetur osculo oris sui , ac pannis involvat :  
expectat Te Josephus , ut te Deum in carne adoret :  
expectat Te bos , ut cognoscat Te possessorem  
suum : asinus , ut cognoscat præsepe Domini sui : ex-  
pectat Te militia cælestis , ut evangelizent gaudium  
magnum ; Pastores , ut Te salurent : Magi , ut munera  
offerant ; Simeon , ut Te excipiat in ulnas suas : expe-  
ctant Te cæci , ut videant , claudi , ut ambulent ; le-  
prosi ,

(a) Eccles. 3. (b) Rom. 8.

prosi, ut mundentur, mortui, ut resurgent. Denique, cælum, terra, Angeli, homines, totaque rerum universitas, *Oitum tuum fortunatum,* tanquam rem omnium expectatissimam expectat, ut tui uius Nativitas sit communis omnium felicitas.

II. Cùm ergò jam quietum silentium contineret omnia, & nox in suo cursu medium iter haberet: & cùm jam venisset plenitudo temporis, & Matri ejus, impletum esset tempus pariendi: cum jam tandem elucesceret illud momentum tanti momenti, quo debebat apparere Benignitas, & Humanitas Dei Incarnati, Unigenitus Æterni Patris Filius: qui ante novem menses, propter nos homines, & nostram salutem descenderat de cœlo, & conceptus fuerat de Spiritu Sancto, natus est ex Maria Virgine: sic tamen, ut, quæ ante partum Virgo, quoque permanserit, in partu, & post partum Famâ vulgatâ de Salomone nostro; non fuit media pars eorum, quæ experiuntur, qui ejus faciem intueuntur, præsertim Regina, Mater ejus, quæ sine dubio, immensa & accensa amore, & oppressa stupore, præ utroque non habebat ultra spiritum, utpotè, tota repleta Spiritu Sancto. Quoties tunc ingeminebar illud suum cœleste epos: (a) *Magnificat anima mea Dominum, & exultavit spiritus meus in Deo salutari meo?* Si Præcursor Domini, exultans in gaudio in utero Matris suæ, quem necdum videbat: sed adesse tantum credebat: quomodo exultabat spiritus ejus in Deo, jam Filio suo, quem & coram videbat, & in sūu gerebat: præsertim, cùm se & Matrem sentiret, & Virginem sciret: itaque enim esse, factamque pueroram, ut sine disruptione utei,

(a) *Luc. 2.*

Decemb.

Zeffera.

1037

uteri, sine claustrī Virginalis violatione, Virginitatis gloriā permanente, Lumen æternum mundo effundet, Jesum Christum Dominum nostrum.

III. Deinde, cùm immunem sentiret à dolore partum; vacuum omni sorde puerperium: neque enim illa antecesserant, quæ deberent, & tolerent carnis dolores, gemitibus animi, corporis ordibus expiari. Nonne parvulus ille Deus è præsepio videns civitatem ubi tam vicinam Jerusalem, flevit super eam, quia ex omnibus civibus ejus, qui illum cognosceret, non erat usque ad unum. Ingredere homo audacter stabulum: tu antea, ut bos comedisti fœnum terræ, adest hîc pabulum tibi conveniens fœnum: tu factus es, ut equus, & mulus, sunt hîc, quibus, ut tui similibus gaudeas, bos & asinus. Qui ergo, similis factus es jumentis insipientibus: accede, ut jumentum ad præsepe. O magne Amor, parvum Numen! En ego me submitto ditione tuæ! en ego me dedo imperio tuo! en ego me consecro arbitrio tuo! en ego inclino collum servituti tuæ! Ah! quid hîc stant jumenta duo? An forsitan à Te jugum expectant? En ego! ô Divine Puer, cervicem meam vinculis tuis præbeo! ne præferas me bestiis? Qui me creasti, ut dominarer bestiis terræ: ah me innoda, & illiga jugo tuo! An forsitan adsunt, ut vehant currum triumphi tui? Ah ego! ego quoque huic muneri succedam. En corpus, & anima mea, facta sunt, ut duo jumenta ante Te. Conscende currum præsepii tui, inside fœno tuo: ego jungam jumenta mea, & Te toto orbe circumveham, atque elatâ voce clamabo: Sic triumphat Amor:

*Volvitur in pannis, nullis qui clauditur annis.*

26. DIES

## 26. DIES DECEMBER.

Heri, præsepis angustia Christum portavit infantem;  
hodie, immensitas cæli suscepit Stephanum tri-  
umphantem. *S. Fulgentius de S. Stephano.*

Nativitatis I.  
Christi varia  
Mysteria.

**T**ota non sufficit æternitas, ut dignata  
nè expendantur Mysteria, quæ  
Christi complectitur Nativitas:  
quapropter non transiliam tam citò de Bethleem, ubi  
natus est Deus infantulus, ad Jerusalem, ubi passus est  
Stephanus ejus famulus. Maxima laus est Stephani,  
potuisse inter omnes, primum pro ipso mori, qui dignatus  
est pro illo nasci. Plus me allicit præsepii angus-  
tia, in quo Christus jacet, quam immensitas cœli, in  
quo Stephanus triumphat. Verè, qui jacet in fæno,  
plus quam Salomon hic: cujus gloria, non auro de  
Ophir, & argento constat, non ebore, Indicisque gem-  
mis, quæ mox Ægyptiorum præda fiant: sed immor-  
talibus æternæ Patriæ bonis. Vis videre, quomodo  
stabulum glorioius est aurea Salomonis domo? & vi-  
le præsepium eo throno, cui parvulum inventum est  
opus in universa terra? Quis est, qui si superba illa  
spectaverit: quæ ob prodigium operis appellantur  
septem mundi miracula, caput, venerandi causa, ape-  
riat? quis non ad Christi præsepe adorandum, vene-  
rabundus prosteruitur? quis ad illa honoranda, uti hoc  
præsepe, maria, terraque perluitret? Quanta gloria  
est, persuasissime mundo, & Matrem illam, esse Vir-  
ginem, & pauperculum hunc Infantem, esse Deum!  
quanta gloria est, tam vilia, reddere tam gloria!

II. Sed

II. Sed à præsepi, & Agnello, qui jacet in præsepio, descendamus ad Pastores ovium. Quām inopinata fuit illis immensa illa, quā in concubia nocte perfusi sunt lætitia, ad inusitata, quæ percepérunt nuntia? Vigilabant super gregem; & mox juxta illos stetit Angelus Domini, ut facile exaudiri vox posset, & inter illos, radiante fulgore circumfulsitus erat enim Angelus lucis, lucem habitans inaccessibilem, lucem amans, & secum invehens: denique lucem magnam exortam mundo nuncians, populo, qui habitabat in tenebris, & regione umbræ mortis. Angelica lux inexpectata, ac repentina, & in nocturnis tenebris lūcens, subitum timorem incussit talium visionum, ac visitationum insolentibus: itaque, (a) timuerunt timere magno: mox tamen gavisuri gaudio magno. Nam fulgur, suo fulgore terret, nec lux in tenebris nimis horretur, quām densæ tenebræ in medio die. Pertimuit autem & lux, & timor ad attentionem: nam qui timent, arrestis auribus adstant, & ad opinionem rei novæ, & in primis seriæ conciliandam. Quia tamen nimius timor perturbat, & confundit hominis mentem; Angelus eum efficaci voce moderatur, dicens: *Nolite timere.* Gaudii enim, & fiduciæ vobis apporto nuncium: nec vobis tantum, sed populo, nec vestro tantum, sed omni populo. Quod autem majus gaudii argumentum, quām patefactus aditus ad gaudia sempiterna? Quicunque in carcere mundi hujus, & umbra mortis sedetis, oportet natum vobis gratulari Salvatorem, qui à servitute dæmonis, & peccati, afferat vos in libertatem filiorum Dei.

## III. Na-

(a) *Luc. 2.*

III. Natus est vobis hodie , nec ultra dicendum est : *Ecce venit. Promissa, in rem deducta sunt : venit, descendit, adest, natus est : & vobis natus est, & qui erat similis nobis in cœlis, similis factus est vobis in terris : Ipse est Christus, unctus omni gratia Regia, Propheticâ, Sacerdotali : Christus Dominus, non civitatis David, aut cuiuspiam singularis loci : sed Dominus cœli, & terræ. Et quia Parentes illius non nominabant, neque hospitii domus designabatur : aliquo signo, res monstranda erat, ut inveniretur, & agnosceretur. Et hoc vobis signum , inquit : *Inveniens Infantem pannis involutum, & positum in præsepio. Neque oportuit distinctius locum ab Angelo notari ; nam speluncam Divini puerperii , in aditu ipso , ac suburbio Bethleem erant inventuri. Verè , signum magnum apparuit in cœlo, Deus in fœno. Vix Orator ille cœlestis, finem dicendi fecerat : cum multitudo militiae cœlestis, quæ Divinum legatum comitabatur : & in tantæ , tamque inauditæ rei miraculo , jam dum stabant defixa : silentium rupit, & consonâ voce nobilissimum inchoavit hymnum : ut exemplo suo mortales incitaret ad laudandum Deum. Apparet autem, eos inter canendum visos esse cœlum ascende-re, nec Pastores interrupuisse musicam longè suavissimam : sed attonitos quamdiu licuit attendisse , dum minus minusque audiretur. Dum autem illi , incepta hic cantica , in cœlum non intermissa transferunt : ibique vel hunc ipsum hymnum, vel illud trisagium, summâ audientium voluptate , indefatigabiles integrant ; Pastores sibi ipsis redditi, inter se colloqui, que mutuo ad Bethleemiticam profectionem invita-re cœperunt : eoque mox, cum festinatione profecti,**

agno-

agnoverunt accepti Nuntii veritatem : quod mox sparsere in vulgus; & eos, qui audierunt, propriæ admirationis, & gaudii participes effecerunt. Hic habes compendium mirabilium, quæ fecit mirabilis Dominus, non tantum mirabilis in sanctis suis, sed in pannis suis. Imitemur concinente Pastores, in hac solennitate Pastoris boni? Itaque

*Nos resonante lyrâ, modulemur carmina mira.*

## 27. DIES DECEMBERIS.

Aquila est Joannes, sublimum Prædicator; & lucis æternæ, & internæ fixis oculis contemplator. *Santus Augustinus in Joan. tractat. 36.*

Dignitas sta-  
buli Beth-  
leemitici.

**U**t toto corde diligamus natum Jesum: tribus voculis, nos non tam accendit, quam compellit, Discipulus ille, quem diligebat Christus: dum, videlicet, hæc scriberet: *Verbum, Caro factum est.* Ut inflammetur amore Dei, frustrâ alia excogitamus verba: postquam Verbum Increatum, fuit Incarnatum. Propter hæc sola verba quia tam sublimia, meritò Johannes vocatur Aquila; nemo volavit excelsius, quia nemo scripsit Divinus. Nos, ut Aquilæ evadamus ad parvam illam Aquilam: quæ non evolavit in altum, sed descendit ad ima: quæ non posuit nidum suum in arduis, sed in humilibus convolemus. Non, ut Pastores transeamus usque in Bethlehem, mox inde abituri: sed ibi commorando, mansionem faciamus. Parvulus Jesus, qui heri adhuc jacebat in præsepio: nunc, quasi humilior sublatus subsellio, consideret in Matris gremio: *Hinc Amoris jura, & leges dictat.* O felix au-

Pars III.

V u u

trum

trum Bethleem, & quocunque Capitolio nobilius ! Hoc stramineum mapale, & humile antrum, augustius, & sacratus est, quam ipsum Salomonis Templo : quia , qui hic jacet , plus quam Salomon est: pluris incomparabiliter facienda sunt bina illa, quæ stiparunt præsepe Infantis Dei, jumenta, bos, & asinus, quam duodecim illi, licet auro rigidi, qui thorum Salomonis stipabant, leonculi.

II. O casa gentilitia, Amoris Bethleem, in qua Jesus Amor triumphat ! amoenior nullies illa cisterna Bethleem , cuius undis levare sitim, Davidis votum fuit. Ah in te! ô specus, Patria Dei mei ! Ah in te, Ori- go fontis est ! cuius aquæ saliunt in vitam æternam: & ex quo, qui bibit, non siet iterum. O Bethleem ! ô na- tale solum Amoris ! ô horreum, & domus panis, unde Angeli fiunt immortales ! ô quale , in te frumentum conditum est ! frumentum electorum. O quale gra- num ex aridis aristis tuis eminet ! Granum, quod olim cadens in terram, & mortuum, fructum oppidò mul- tum, & centuplicato cum fænore adferet. O Puer au- ree ! ô Infans, Amor ! Tu, inter, paleas cunaru[m] tua- rum spica es: septem illis Pharaonis spicis, plenis, at- que formosis, una plenior, atque formosior, Tu, spica es, Josephi manipulo mille partibus præstantior: hunc enim stantem in agro , manipuli fratrum adorarunt : ante Te verò, sedentem ad dexteram Matris tuae, cœ- lestium, & inferorum genua curvantur. In cavo spe- luncæ illius antro jocosæ Amoris voces ludunt. Quod enim Bos , & Asinus anhelant : quod Pastores lo- quuntur ad invicem : quod Josephus Pastoribus nar- rat: quod Angeli canunt: quod Maria Virgo suspirat: quod parvus ille Deus, omnium Amor plorat: Omnia

Decer-  
nia hæ-  
dis nos-  
amare.  
profes-  
cupo.  
Amor  
Tuus i  
III.  
ueum  
tere in  
sa terr  
qui lin-  
gire: sa  
mensit  
Christ  
ci, mo-  
peccat  
tus, vo  
modò  
di met  
gini m  
sit pro  
me; ca  
egratu  
falli v  
menta  
bant  
me aff  
non po  
undau  
lamita  
consta-

Decemb.

Teffera.

1043

nia hæc, soni sunt: qui à specu Bethleem, ad aures cor-  
dis nostri repercussi, non cessant clamare: ne cessa-  
mare. Procumbo ergo ante thronum præsepii tui: &  
professionem æterni amoris, ac servitutis Tibi nun-  
cupo. O Puer, ô Deus! ô hominum, & Angelorum  
Amor! ô Rex cordis meis! ô Imperator animæ meæ!  
Tuus sum ex toto totus.

III. Sta hic viator in hac lutea spelunca, ad hoc fæ-  
num præsepe: & dum vides eum, qui venit igitur é mit-  
tere in terram: ut accendatur, algere, gaudium univer-  
sa terræ plorare, Isaac, hoc est, Risum nostrum flere: &  
qui linguis infantium facit dilertas, infantis instar va-  
gire: sapientiam balbutire, fortitudinem tremere, Im-  
mensitatem coarctari, Potentiam debilitari: denique  
Christum, ut intret in gloriam suam, vix cœpisse na-  
sciri, mox incepisse pati: de te, quid cogitas? Christus, qui  
peccatum non fecit: qui ex Virgine est natus, vix na-  
tus, voluit pati: & tu, qui in peccatis natus es totus non  
modò pati refractarius recusas, sed vel umbra patienti-  
di meticulosus reformidas? Ah! ut sim cōformis ima-  
giui meæ: hoc mihi, quod tuæ olim sponsæ Tereſia,  
sit pro symbolo: Aut pati: aut mori. Excipient igitur,  
me; casus improsperi: exhaustiat me egestas: occupent  
ægritudines: famas stringat: eludi meas spes sentiam:  
falli vota: conatus excidere: circumfistant me tor-  
menta: ferrum, & flamma, in meum caput incum-  
bant: quæcumque sæva, & acreba, homines dicunt,  
me affilient. Aquæ multæ falsorum horum fluctuum  
non poterunt extinguere caritatem, nec flumina in-  
undantium malorum obruent eam. Non habent ca-  
lamitates impetum, qui amoris mei in Deum-Infantem,  
constantiam, non dico, prosternat, sed vel quatiat. Nu-

Uuu 2

tritur,

tritur, & crescit adversis Amor : & ingruentia mala, in suam laudem vertit. Non volo, ô Amor meus, immori rosis ! dum cerno duras tuas, quibus incubbis, stipulas : non placet mihi, mors pallida in plumis, excipienda : opto potius vel fumosam, inter ignes : vel cruentam, inter enses. Non subtraho me i&tibus tuis, ô blande Puer : mihi eris blandus, etiam dum in me fueris sœvus : fieri, quâ lubet : quia volentem percutis.

*Per Castra, & rastra, ignem, & ferrum, tendis ad astra.*

## 28. DIES DECEMB.

Herodes persequitur parvulum: sed stellæ obsequen-  
tis fulgor declarat Deum. *Gaudentius serm. 19.*

Amor Chri-  
sti in nos.

I. **P**Arvulus ille Regulus, ut vel  
tunc multos haberet sui Reg-  
ni hæredes, permisit, ut in  
parvulos ferrum stringeret Herodes : ut per Hero-  
dem infantium sanguine, suam perficeret laudem.  
Voluit vix natus, docere viam ad cælum, hoc est,  
ad terram illam fluentem lacte, & melle, non esse la-  
&team, sed cruentam, dum tot infantium voluit ef-  
fundere cruorem. Hi parvuli, dum fuerunt primiti  
Martyrum, aliis omnibus signum extulerunt ad Mar-  
tyrium. Sed, dum Herodes, Christum, ut mortalem  
hominem persequitur : Deum immortalem declarat  
stella fulgens, dum illi obsequitur. Vel sic mundo se  
prodidit mundi victoré, tot, quæ pro illo ceciderunt  
victimi. Parvulus ille Pontifex, non hircorum, vita-  
lorum : sed parvolorum infantium sanguine voluit  
sibi litari : postea suum, ut Patri litaret, copiosissime  
effusurus. Ut tu cadas talis Christo hostia: esto tui ip-  
sius

suis hostis. Ut Herodes in alios : sic tu, in te ipsum  
sævis. Ut sis Divini Infantis dignus amore, non odio:  
noli te amore prosequi, sed odio persequi. Sicut He-  
rodes plus Infantibus profuit odio , quam profuisset  
obsequio ; ita & tu plus tibi proderis, si fueris tui osor,  
quam cultor : tibi ipse, tu in te officiis officies. Ni-  
mia in corpus indulgentia, est in animam extrema sæ-  
vitia : hujus es tortor, dum illius est fautor.

II. Age, & vide : an non tantum mereatur, in plu-  
rimis plurimum de te bene meritus Deus-Infans. Sic  
te amavit, ut licet fueris extremè ingratus : nihil ta-  
men seciùs tibi agat gratias, pro illis , quæ ei debes :  
ac si illius, quæ tibi confert munera, essent totidem,  
quibus tibi obstringitur debita. Eo modo peccata  
tibi remittit, ac si plurimis à te fuisset affectus benefi-  
ciis : quasi peccati remissio , esset remittendi ob-  
ligatio. Bona tua opera sic remuneratur : ac si ad il-  
la , nihil ipse contulisset : quasi tua merita essent tui  
solius operantis industriae : non ipsius cooperantis  
gratiae. Eo denique modo : qualiacunque officia tua  
compensat : velut post acceptas à te multas injurias,  
plura ei beneficia contulisses ? Potuissetne Christus  
plura vel facere, vel pati pro sua ipsius salute , quam  
pro tua ? Plura tamen amore tui facere , & pati non  
modò paratus, sed promptus fuisset. Audi, quid ipse  
olim dixerit D. Brigitæ : ( a ) Dilectio, inquit, mea er-  
ga hominem , modò aquè grandis , atque incomprehensi-  
bilis est , sicut erat tempore Passionis meæ , quando per mor-  
tem meam ex nimia charitate liberavi omnes electos  
meos. Etsi fieri posset ; ut toties morrerer, quot sunt animæ  
in inferno : ego promptissimâ voluntate , & perfectissimâ

Uuu 3

cha-

( a ) L. 7. Revelat. c. 19.

*charitate corpus meum traderem, eandemque Passionem, & mortem, pro qualibet anima sustinerem, quam sustinui pro omnibus.*

III. Vis plura de amore Jesu in te? Audi, & stupe. Christus animam unam suâ dotatam gratiâ, impensis diligit, quâm sanctissimam Trinitatem omnes simul cœlites. Tanto in Deum amore accensa fuit aliquando Catharina Senensis; ut aliquando præ ejus vehementia, animam exhalari; & ad quatuor horas exanimis jacuerit. Si talis est amor unius hominis in Deum hîc in exilio; qualis est amor sanctorum simul omnium, & quidem Deum in gloria facie ad faciem videntium? Pluris tamen incomparabiliter Christus amat unam unius hominis animam. Ipse profecto si Homo factus; tam bene affectum corpus, & à morbis omnibus immune non habuisset; animæque sentientis cupiditatibus habenas laxasset affectum, ex voluntatis ardore erumpentium; copia, amorisque in animo flagrantis vis ingens, vitam ei etiam Infanti in præsepio jaceuti eripuisse, perpetuò quodam miraculo supra triginta annos propagatam. Quid igitur, pro immenso in te amore jam superest; quâm ut totum, omnibus & corporis, & animæ viribus te ei consecres? Quid dicam tibi? ô Jesu! quâm, ut dici a me voluisti, & docuisti? fiat voluntas tua? quod tibi placet, approbo; sententiæ tuæ concordo; quod negas, dimitto; quod das, accipio; quod inflgis, fero. Ad omnem voluntatem tuam cereus occurro. Hæc in corde meo regnet, mea in exilium exagatur. Omnia non meo rogato; sed tuo natus eant; tui arbitrii sponte, ac libens cuncta facio. Vitam mihi, ut voles, proper, vel contrahe; morbos pelle, vel ingere; opes cu-

mula,

mula, vel accide; negotiis meis successum promove,  
vel everte; Amores, erga me hominum excita, vel  
odia permitte; sapientiam, famam, eruditionem, fa-  
cundiam adde, vel deme. Nihil jam horum precor,  
vel deprecor; sit, quodcumque voles. Amorem tui  
solùn, cum gratia tua mihi dones, & dives sum satis:  
nec aliud quidquam ultrà posco.

*Unum, Christe peto, misero me surripe leto.*

### 29. DIES DECEMBERIS.

Cùm nascitur Christus; oritur origo rerum, *S. Chrys-*  
*sologus serm. 148.*

Christi I. **C**hristus, qui, ut Deus in sinu Patris in  
perfectio- principio erat Verbum; qui, & in  
nes. tempore, in principio creavit cœ-  
lum, & terram, est rerum omnium origo, à qua una  
omnia oriuntur. O utinam! sicut ipse est origo om-  
nium rerum; ita sit & origo omnium nostrarum aeti-  
onum! Imò, sicut ipse est non modò Alpha, hoc est  
principium; sed & Omega, id est finis: sic & idem  
sit omnium nostrorum; & à quo ordiamur, prin-  
cipium, & propter quem agimus, finis operum.  
Et ad quem potius referemus omnia, quām ad Je-  
sum? in quo, ex quo, & per quem sunt omnia;  
cùm, quæ singula, Amorem excitant; in eo copu-  
lata sint universa. In illo est cœlorum puritas, side-  
rum harmonia, solis nitor, imbrrium fœcunditas, flo-  
rum pulchritudo, silvarum amoenitas, camporum  
ubertas, picturarum elegantia, musicæ dulcedo, gem-  
marum virtus, palatiorum splendor, urbium maje-  
stas, templorum magnificentia, munitionum robur,  
exercituum potentia, epularum oblatione, ludorum

Vuu 4

jucun-

jucunditas, amicitarum voluptas, sortium claritas, riparum viror, auri pretium, purpuræ decus; verbo, meritum, dignitas, amabilitas rerum omnium. Quæcunque in cælo, vel terra sparsa sunt, collecta tenet; & ita tenet, non quo modò in illis affulgent, sed præstantiâ infinitis gradibus altiori; adeò, ut laudes ejus attollere, per comparationem cum perfectionibus rerum conditarum; si res ipsa, non affectus penderatur, sit ironia, & ejus irrisio, non laudatio assimilanda.

II. Sicuti si quis de Sampsone diceret, illum, formicâ robustiorem esse; aut de Davide, illum lepori, magitudine animi præstare: nonne illum contumeliam eos afficere, & irridere putaretur? At Christus multò magis supra perfectionem omnium creaturarum eminet; quam supra formicam, Sampsonis robur, & supra leporem, Davidis alacritas. Amabilis est Jesus, ob res ab eo conditas, & ob gratias nobis exhibitas; sed longè amabilior, ob gratias quas in se habet. Accepta sunt mihi tua, ô Jesu! beneficia; sed acceptior est mihi Bonitas tua. Pulcher es in omnibus operibus tuis; sed pulchrior in Natura tua. Cara mihi sunt munera tua; sed carior est dextera, quam munera porrigit. Amo igitur Te, Jesu, amor meus! quia bonis tuis me cumulas; sed etiam, si his retractis, omnibus malis me subjiceres, Te amarem; quia Amor meus erga Te flammat concipit; non tam ob id, quod ego sum ex munere Tuo; quam ob id, quod tu es ex Natura tua. Ah! nimis abjectus foret iste amor meus; si solùm ideò Te amarem, quia donis tuis divitem me facis; testudineus hinc amor esset, per humum creaturarum tuarum repens, cum ego illum cupiam assimiliari

lari capreæ, hinnuloque cervorum, super montes aromatum, id est, Divinarum perfectionum. Amor, qui solum opibus tuis, quas nobis elargiris, inhæret, parem se facit pecudibus; quæ semper in humum prænæ, herbis pascuntur, quas Sol producit; ad Solem verò ipsum, parentem pabuli sui, oculos extollere non curant. At ego volo Amorem meum evolare, ut Aquilam, & oculis pura luce tua defixis, radiis Divinitatis tuæ, unde omnia cætera bona mihi promuant, pasci.

III. Quid moramur, Anima mea? quid rivis, qui à Jesu profluunt, nostrum Amorem rigamus? Patet fons omnibus non in cisterna, sed in spelunca Bethleem. O origo, in ipso tuo principio immensa! ò perfectionis omnis circulus, & centrum! Apud te consilium: apud Te ratio: apud Te cogitationes pulcherrimæ & infinitæ, & rerum omnium scientiæ & artificiorum inventa, & causarum, & naturarum, & innumerabilium mundorum cognitiones habitant. Quid memorem Beatitudinem tuam? quæ omnibus gaudiis tam exaggerata est, ut nihil illi addi, tam stabilis, ut nihil illi demiri possit: tam Tibi propria, atque innata, ut Tuum vivere, sit beatè vivere. Quid æternitatem, qua tum omnes tuas perfectiones, tum omnes mobilium temporum lapsus, in unicum firmum, & immobile punctum colligis? quid Magnitudinem, quæ modum non capit? quid Immensitatem, quæ omnia spatia excedit? quid Libertatem, quæ nullius imperio libatur? quid Immortalitatem, quæ nullo ævo carpitur? quid puritatem, ad cujus comparationem, Angeli, lutum, & materia sunt? Quanta jam est & Potentia tua, quæ Sa-

Vuu 5

pien-

pientiam nusquam deserit? sed quidquid fieri posse intelligit, hæc facere potest, & facere potest volendo. Tuum velle, posse est: & promptius Tibi res est efficeret; quam nobis cupere, aut fingere. Nam nec servis Tibi, nec molitione opus est; ad unicum vocis tuæ sibilum, ex nihilo suo mundi advolant, & ante Te provoluti, ac curvati dicunt: Adsumus. O parve, in fœno Deus! hæreo, stupeo, obrigesco: mens, sensus, cogitatio, ratio me deficit; dum tua in Te, Te in tuis contemplor. Tu solus mihi sufficis. Tu mihi fœlicitas, & gaudium; Tu Beatitudo, & vita; Tu Amor & desiderium: Tu cœlum & terra: Tu unus, mihi es omnia.

*Fers animum læsum; nisi ames super omnia Jesum.*

### 30. DIES DECEMBRIS.

*Tempus non erit amplius. Apoc. 10. 6.*

Tempo- I.  
ris utilis  
usura.

**U**bi in novissima hora exierit è corpore spiritus; mox tibi dicetur: *Tempus non erit amplius.* Ut ergo, in hac vita, quæ est Phase, (a) id est, transitus, sic transeamus per bona temporalia, ut non amittamus æternitatem; imò ut novissima hora, cum Christo transeamus (b) ex hoc mundo ad Patrem, suggero hoc penultimo anni die quædam documenta. Quot annis ad sex vel octo dies ab de te in solitudinem; & ut Christus, dic ad illam (c) animi turbam tumultuantem: Recedite. Sequere consilium Ambrosii: (d) Intra in recessum pectoris tui, torus ingredere. Edic ad aliquot dies quoddam curarum,

ac fre-

(a) Exod. 12. (b) Joan. 13. (c) Matth. 9. 4. (d) 1. 6.  
de Sacram. c. 3.

ac frementium negotiorum, quasi institutum. Via ad vitam, ut nulla certior; ita nec ulla compendiosior. O quæ in ista arcana solitudine, ignota hactenus intelliges, inaudita percipies, inusitata facies! Verbo peritringam omnia. Illic labore minimo, fructu maximo, (a) mutaberis in virum alterum. Et tibi idem, quod Christo eveniet: (b) *Recessit ab eis & ferebatur in cœlum.* Sic, ubi recesseris ab auxiis curis, à populari tumultu, à civili strepitu; mox toto animo ferieris à terra, ad cœlum, à vanitate, ad veritatem, à vitiis ad virtutes; ab hominibus, ad Deum; à tempore, ad aeternitatem. Facilè declinabis à malo, & inclinabis ad bonum, si cum Christo declines à turba. Ab anno dilabere ad menses. Ut quovis anno aliquot dies; ita singulis mensibus felige diem unum, quo ferieris à negotiis. Et ne cogaris dicere cum Job: (c) *Ego habui menses vacuos;* die uno, quot mensibus, tibi, Deoque vaca. Hic sæpius à te ipso quære: quod à Caino Deus: (d) *Quid fecisti?* Quid hoc mense, quod non decebat, fecisti mali? quid, quod oportebat, fecisti boni? quām multa fecisti, quibus Deum offendisti, mala; quibus tempus prodegisti, vana? Alia, ut sis alius, quām feceris, facere propone: ac illo mense, omnia sic agas; ut optabis te egisse, cùm animam ages.

II. Ut quot mensibus diem, sic quot hebdomadibus horam, negotiis subtrahe, & tibi, ac tuæ saluti impende. Die ergò septimâ, quæ est hebdomadis ultima; *Intra cubiculum tuum, & clauso ostio,* hic rursus interroga, ut priùs; *Quid fecisti?* Et ut villicus ille in Evangelio: (e) *Quid faciam?* Respice septem dies

præteri-

(a) 1. Reg. 10. 6. (b) Luc. 24. 51. (c) Job. 7. 3. [d] Gen. 4.  
[e] Matth. 6. 6.

præteritos, prospice futuros: ex illis, quid fecisti? In his quid facies? Pudeat meminisse illius, quod de Jacob dicitur: (a) *Servivit Jacob pro Rachel septem annis*: & tu pro Deo, nec septem diebus. Quid faciam? Tot saltem consecra dies Deo, pro tua salute, quot Jacob Labano annos pro sua Rachele. Dicebat ille: (b) *Serviam tibi pro Rachele septem annis*. Quid tu? *Serviam Tibi, ô Deus*, pro anima mea septem diebus! ô verè sacrum septenarium! si per septem dies, totum te impendas in Dei obsequium. Ergò, ne inter omnia tua opera, perdas operam, per horam die septimo requiesce ab omni opere. Fac jam gradum ab Hebdomade, ad diem; ut quælibet dies, sit tibi dies salutis: orto jam die, impende horæ dimidium saluti. Hæc Christi (c) ad Jerosolymam querimonia, sit tibi quotidiana meditandi meteria: (d) *Quia si cognovisses & tu, & quidem hac die tuā, quæ tibi ad pacem*. O si cognosceres, quæ tibi evenient super omnem fidem, incredibilia; super omnem timorem, horribilia, super omnem stuporem, admirabilia, in articulo illius diei; quandò recoles pavidâ mente, & repetes querulâ voce illa verba Job: (e) *Dies mei transferunt*. Quid hoc die non ageres? ô quantæ, hâc die tibi ad est fœlicitatis occasio! vide ne desis occasione? Hæc est tua (f) Ergò, *salva animam tuam?* Hæc est dies tua: (g) Ergò, *miserere animæ tuæ?* Hæc est dies tua: Ergò sic componas te, & disponas tua: ut quodlibet verbum, cogitatio, opus, sit semen æternæ fœlicitatis, sit fructus fœlicis æternitatis. Denique quævis dies, erit tibi salutis; si quâvis die credas te obiturum diem.

## III. Post

(a) *Matth. 6.6.* (b) *Gen. 29.25.* (c) *Luc. 9.42.* (d) *Gen. 7.13.* (e) *Job. 7.18.* (f) *Gen. 19.17.* (g) *Eccl. 30.24.*

III. Post diem, sequitur hora. Cujuslibet horæ exordio, insonet auribus tuis vox illa Paulina : (a) *Hora est, jam nos de somno surgere.* Quia una hora es mortui vicinior, & æternitati propinquior; quia fors hæc, (b) *novissima hora est.* Quia fors hac hora, audies illud ferale : (c) *redde rationem villicationis tuæ.* Quia fors hac hora, (d) *anima tua ibit in domum æternitatis.* Hac hora : (e) *quia periclitamur omni hora.* Surge ergo, qui dormis, & exurge toto animo, & sonante horæ præludio, dic cum Juditha. *Confirma me, Domine Deus, & respice in hac hora, ad opera manuum mearum.* Hac hora quidquid agam, quidquid patiar, propter te omnia, contrâ te nihil. Sit tibi quævis hora, ut prima, & novissima, & eris primus, qui virtute es novissimus. Post omnia vitæ tempora, superest quod est in tempore minimum, Momentum. Non tamen hoc parvi facias: quia, quod in tempore minimum est spatio, maximum est pretio. Et ideo nullum est in vita momentum, quod non sit maximi momenti. Nullum sit momentum, quo non aspires ad Deum; quia nullum est momentum, quo non præservaris à Deo. Quodvis temporis momentum, gradus est ad sepulchrum.

*Quodvis momentum, est nobis gradus ad monumentum.*

### 31. DIES DECEMBER.

Transferunt. Sapient. 5.

Vanitas omnium

I. *Am propè anni exeuntis pre-*  
*rerum.* *missus metam: utinam, sine*  
*J anni malè exacti lueu, & me-*  
*tu!* Et quia tacitis, uti annis senescimus: ita, & passibus  
*ad*

(a) *Rom. 13. 11.* (b) *Joan. 2. 18.* (c) *Luc. 16. 2.*  
(d) *Ecc. 12. 5.* (e) *I. Cor. 15. 30.*

ad sepulchrum tendimus. Ante hujus anni occasum, & pro ineuntis exordio, suggero, quod in curriculo nostro expendamus argumentum. Hoc porro argumentum, non est verbosior aliqua vel Tullii oratio, vel Aristotelis ratiocinatio, vel Quintiliani declamatione ; totum, unius verbi circumscribitur angustis. Est vox una familiaris omnibus alterius mundi incolis : tam illis, qui gloriantur in cœlo ; quam aliis, qui cruciantur in orco. Est vox, quæ non multa, sed multum complectitur. Est vox, quæ diligenter expensa, cogeret hominem uno momento desplicere mundum, & omnia quæ sunt mundi ; suspicere Deum, & omnia quæ sunt Dei. Est vox, quæ justos in hoc mundo erigit ad summam spem, excitat ad solidam lætitiam, animat ad inconcussam in omnibus adversis constantiam, sed quæ impios percellit summo timore, inicit maximum horrorem, infert extremum dolorum. Sed quænam tandem est illa vox tanti, ut moveat, roboris ; ut pecellat, ponderis, ut exhilaret virtutis ? Expressa est illa vox inter effata Sapientis ; & est illa modò fructuosa nobis morituris, prolatu jucunda, benè ; funesta male morientibus, memoratu familiaris omnibus jam mortuis. Quæ tandem illa ? Transferunt. O quam paucis, quam multa ! Non est nisi unicum verbum ; plus tamen habet virtutis ad movendum, quam omnes omnium Rhetorum Orationes verbosissimæ. Sed parum conduceat illud verbum : Transferunt, si quasi per transennam prætereuntes strigim tantum aspiciamus : necesse est tota mentis contentione per otium, tanquam summi momenti negotium, expendere.

II. Respice mundi nascentis incunabula ; quando

in

in principio creavit Deus cœlum, & terram, & re-  
cense omnia, usque ad hoc nostrum, quod degimus,  
sæcula; reperies mundum jam perstisso ferè ad sex  
millia annorum: jam verò à tempore Adami, usque  
ad hunc ipsum annum; quod in hoc mundo homi-  
nes, velut in theatro histriones agentes fabulam suam,  
momento uno apparuerunt, momento altero evanue-  
runt; atque ita in ictu oculi, Transierunt. Ab illis por-  
rò hominibus, quām multa scripta, dicta, facta, cogi-  
tata? Tot fuerunt habitæ in rostris Orationes, tot de-  
cantata carmina, tot elucubrata librorum volumina,  
tot ereta theatra, tam splendida excitata palatia,  
tam rara exhibita spectacula, tam sumptuosa instrueta  
convivia, tam quæstuosa instituta tripudia, tot inita  
prælia, tot relatæ victoriæ, tot acti triumphi, tot ce-  
lebratæ nuptiæ? Hæc omnia, usque in hanc horam,  
ubi jam? Transierunt. Ubi jam tua infantia? ubi pue-  
ritia? ubi adolescentia? ubi juventus? ubi omnia, ad  
hoc usque momentum, æta, & cogitata? Transierunt.  
O quanto cum gudio Beati in cœlo! quanto cum  
luctu, ad perennes poenas damnati in tartaro pro-  
nuntiant illud verbum. Transierunt! Age Petre, ubi  
tua, quæ passus es in cruce tormenta? ubi nunc Ste-  
phane, tui lapides? tua Laurenti craticula? tuæ Seba-  
stiane, Sagittæ? ubi penæ vestræ, ô Christi Pugiles!  
ubi vestra, ô Anachoretæ, suspiria, lachrymæ, jeju-  
nia, vigiliæ, labores, sudores? ubi denique omnia,  
quæ pro Regno cœlorum pertulisti mala? Transie-  
runt.

III. Et tuæ, ô Heliogabile, deliciæ, ubi nunc?  
ubi tuæ Sardanapale, voluptates? tua, ô Auguste, po-  
tentia: tua, ô Cæsar, trophæa? Denique, ubi vestra,  
ô mi-

ō miseri, gaudia, honor, gloria, fama, regna, & quæ ex illis haesitatis oblectamenta? Transferunt. Hoc est inauspicatissimum illud verbum; quod per totam, quæ nunquam transibit, æternitatem, horrifico cum ululatu, ex tenebrioso illo vaporario, illi Tartari municipes, jugiter vociferando ingeminabant; memores omnium, quæ iustar umbræ, evanuerunt, bonorum, & coaffixi aculeis præsentium, quæ patiuntur, malorum: (a) Transferunt omnia illa, tanquam umbra. Quæ illa? illa, illa, pro quibus expensæ pecuniae; impensæ, omnes animi & corporis vires, effusus sudor, profusus crux, emissæ lachrymæ, exantlati labores, adhibiti conatus, exacti tot dies, & noctes, & anni. Transferunt omnia illa, propter quæ excidimus salutem; & amissimus illum, in quo sunt bona omnia. His, sortem suam nunquam satis deplorandam, deplorant næniis, qui hic circumfluxerunt deliciis. Nunc ergo, si sapis; per omnia, quæ sub luna voluntur, mentis aciem studiosè circumfer. Respice præterita, Transferunt: circumspice præsentia, Transcendent; prospice futura, Transibunt. Quid inde argues, quæ omnia esse Transitoria? De solo Deo, & quæ Deus ab æterno decrevit in æternum, justorum præmiis; & reproborum suppliciis, nunquam dicitur; Transferunt. Unum jam relinquunt; ut relatis illis, qui te brevi relinquunt, secesseris æterna; ne, si perituris inhæreas, cum illis pariter & pereas. (b) Umbra transitus, est tempus nostrum. Sed à quo, ad quid est transitus? Ab utero ad tumulum; à cunabulis ad sarcophagum; à fasciis infantilibus ad sindonem sepulchralem; à vita ad mortem, à momento ad æternitatem. Esse tempus nostrum, umbræ transitum,

(a) Sap. 5. (b) Sap. 2. 5.

experti

Decemb.

Tessera.

1057

experti sunt Majores nostri ; experientur omnes Posteri, & nos cum illis : quia de illis aliquando, de nobis brevi, denique de omnibus semel, seriūs, ocyūs dicetur, Transferunt :

*Scater vita malis ; volat & perniciibus alis.*

## FINIS VENIT,

Venit Finis.

Ezech. 7. 2.

**P**ost omnes vitæ annos, menses, hebdomadas, dies, horas, momenta ; sequitur omnium Finis. Finis coronat opus ; quia à fine dependet salus : Quia, qui perseveraverit usque ad finem ; hic salvus erit. Finis vitæ, erit tibi principium pœnæ : nisi jam tua omnia dirigas ad eum, qui est Principium, & Finis. Ne in fine corrumpas, hæc duo sæpè cogita : Finis hominis, est pervenire ad regnum, cuius nullus est finis. Et istud : Inter omnia, quæ per anni tempus omne agitas, & quibus exagitaris negotia ; Negotiorum omnium maximum est negotium, animæ cum Deo otium. In hoc operoso, & negotioso otio, per anni, mensis, hebdomadis, diei, horæ, momenti spatia diligenter negotiare ; & cogita, post omnia tandem omnibus, solum superest sepulchrum. Quot jam in terra censentur capita ; rot brevis sub terra jacebunt funera. Quia cui contigit nasci ; eidem necesse est & mori. Tunc de omnibus, & illorum vanis operibus, & operum deliciis, & deliciarum usurâ, dicitur illud moestum hesteinæ tesserae acroama : Transferunt.

Pars III.

Xxx

Post-